

KHANGWELO

 Kha ri ise phanda na u ima lwa tshikhala nyana u itela thabelo. Kha ri kotamise thoho dzashu zwino.

² Khotsi ashu wa Tadulu, ri elekanya itshi sa tshikhala tshihulu nga maanda tsha u ima hafha vhukati ha vho tshidzwaho, nahone ri tshi kona u imba idzi nyimbo dza vhugala dza kale dza Tshivhidzo, "Murena, ndi a tenda." U vhona Lutendo lwa vhokhotsi ashu lu tshi kha ditshila mibiluni dza vhana Vhawe, fhasi u tsa na zwikhathi. Huno vhunga luimbo lu tshi kha dibva uri vhudza, "Ri ndilani yashu ya u ya kha Shango la Kanana." Ri a rabela, Khotsi, madekwana a namusi, arali hu na vhañwe hafha vha sa athu u dzhiyaho tsheo, vha sa athu u da fhethu hune—hune vha nga tou tenda Ipfi fhedzi, ndi rabela uri uvhu vhu vhe vhusiku hune vha do amba u ralo lwa u fhedza nahone vha tanganedza Kristo sa Mutshidzi, vha dadzwa nga Muya Wawe.

³ Ri a U livhuwa nga hetshi tshigwada tshi vhidzwaho Vhanna vha Vhubindudzi ha Mafhungo madifha o Fhelelaho, na zwine tsha imela zwone, hone u luga. Ro takala u divha uri kha shango lašhu hu na vhabana, kha shango la vhubindudzi, vhabane vha dzhia tshifhinga tsha u shumela Iwe, u vhudza vhañwe, vha tshi fhedza yavho—tshelede yavho na tshifhinga tshavho uri vha thusen vhañwe henefha ndilani, vha tshi vha vhadzulapo vha Muvhuso wa Mudzimu.

⁴ Ri a U livhuwa nga vharathu vhashu vha vhashumeli hafha madekwana a namusi, havho vhabane vha khou fara luvhone lwa tshedza, u sumbedza lino shango lo swifhadzwaho uri hu na ndila i livhaho Vhugalani, kha murađo muñwe na muñwe wa Tshivhidzo tsha Mudzimu a tshilaho, na kha havho vho dzenahao ngomu, Murena, vho daho zwino. Ri a rabela zwino musi ri tshi livha kha u vula Ipfi, uri U Li padukanye vhatu sa vhunga ri na thodea yalo. Huno musi tshumelo i tshi valiwa, madekwana a namusi, huno ra ya hayani, ngavhe hu tshi vha na vhabusie vhuswa ho bebiwaho hune ha engedzwa kha Muvhuso. Kana, khañwe hu na muñwe muthu hafha madekwana a namusi, Murena, ane a khou lwala nga maanda nahone u khou tøda u kwamiwa nga Nanga Khulu, ngavhe vha tshi i tanganedza madekwana a namusi. Zwi tendele, Murena. Huno nga u ditukufhadza ri do U nea thendo, ngauri ri zwi humbelu nga Dzina la Yesu, Murwa Wau. Amen.

Ni nga dzula.

⁵ Ndi tshinwe tsha zwifhinga zwi hulu tsha vhutshilo hanga, ndi musi ndi tshi ima phanda ha vhatu, uri ndi ambe nga dakalo la vhutshilo hanga, Yesu Kristo, zwine A amba kha nnę, huno

zwenezwo u vha na tshikhala tsha u kovha heli dakalo na muñwe muthu a sa athu u vha na heli dakalo. Ndo vha ndi tshi khou amba linwe duvha. Ndo vha ndi mutukana wa mureri. Heyi ndi miñwaha ya furaru-raru ndi kha vhushumeli. Huno ndo tshila kha tshirunzi tsha mureri wa mutukana. Fhedzi zwino ndo fhira itsho tshifhinga, huno zwino ndi khou vha mureri wa mukalaha.

⁶ Fhedzi, duvha linwe na linwe, Ene, vhunga luimbo lwo ri, “U aluwa lu difhelelaho u fhira zwe A vha a zwone duvha la murahu.” Musi ndi tshi thoima u ralo, u wela seli vhukati ha luswayo nahone ndi tshi lavhelesa kha u kovhela ha duvha, Kristo u ya engedzeya kha nne, duvha nga duvha. Huno musi ndi na hetshi tshikhala, u ima phanda ha vhanna vha vhubindudzi na vhasadzi vha kusi, nahone u amba navho nga tshiñwe tshithu tshine tsha amba zwinzhi khavho u fhira—u fhira tshiñwe na tshiñwe kha lino shango, hetsho ndi, Vhutshilo ha Lini na lini. A thi elekanyi uri hu na tshiñwe tshithu tshihulu, u fhira hetsho tshine nda kona u tshi humbula, u fhira Vhutshilo ha Lini na lini.

⁷ Musi ni muñku, ni thoma u elekanya ngazwo, zwo luga, sa mutukana ni khou tambo lwa vhundeme, huno musidzana muñku u khou tumula mpopi wa bammbiri. Ho no fhela tshifhinganyana, ndi pfunzo yanu. Zwenezwo-ha, naa ni khou ya u mala musidzana a na mañ a buraweni kana madala? Huno zwenezwo nndu i khou tea u badelwa, vhana vha khou tea u funzea. Huno ni gai?

⁸ Fhedzi ndo takala zwi hulu ngauri hu na tshiñwe tshithu tsha vhukuma, murahu ha musi hezwi zwe the two no fhela. Zwenezwo ni dzhena kha tshiñwe tshithu tshine tsha amba u fhira hezwi zwiñwe zwithu. Tshine, ndi vha—ndi vha ndeme. Ngoho vho ralo, kha uyo ane a khou ya u vha mme wa vhashu... na khotsi a vhana vhashu, na miñi yashu na zwiñwe, na pfunzo ya vhana. Fhedzi, na zwenezwo, zwe the zwi a lovha. Zwi a fhira. Fhedzi Vhutshilo ha Lini na linin di tshithu tshihulu tshine nda tshi ñivha. Ho mpfusha musi ndi tshe mutukana muñku. Hu ya mpfusha zwino musi ndi muthu wa miñwaha ya vhukati. Huno ndi na vhutanzi uri musi maxarañeni a tshi wa u mona na vhutshilo hanga, ndi do takala u ya nda tangana na Uyo we nda fhedza tshifhinga tshanga ndi tshi itela ene.

⁹ Zwino, kha Mukomana Tony, ene—ene phuresidente wa tshigwada hafha, huno ndo takala u vha fhano nae kha vhuledzani madekwana a ñamusi, na Mukomana Carl Williams na vhañwe vhalangi vha tshigwada kana vhaimeleli, huno na vhoñwi vhadali ni na riñe. Ro takala nga u vha fhano.

¹⁰ Tshiñwe tshifhinga ndo vha ndi tshi khou amba, ndi a tenda ho vha hu ngei Little Rock, Arkansas, kha Audithoriamu ya Robinson Memorial. Huno ha vha na muthu o fhodzwaho, o fhedza miñwaha minzhi a kha makobodo, o dzula tshitarañani, a tshi rengisa dzipenisela. Huno o vha a tshi kona u ralo, oo, u tou

monisa. Mirado yawe yo vha yo oma. Huno a mona... Vhathu vha mu pfela vhutungu. Vhuñwe vhusiku a da muñanganoni. Huno a wana garaña ya thabelo, huno a dzhena kha muduba nahone a fhodzwa.

¹¹ Huno duvha li no tevhela o vha o hwala makobodo muñanani wawe, a tshi gonya nñha na fhasi na tshiñaraña, a tshi khou tanziela. Huno ndo vha ndi tshi khou lingedza u amba. Huno-huno hu sa athu fhela tshifhinga a takuwa, huno a ri, "Mukomana Branham," a ri, "Ndi nga ndi muswaswi." A ri, "Musi ndi tshi u pfa u tshi khou amba," a ri, "Ndo dzhia unga u Munazarea." Hezwo ndi zwe a vha a zwone. Huno a ri, "Huno zwenezwo nda vhona Vhapentekostaña vhanzhi u mona," a ri, "muñwe muthu a ri u Mupentekostaña. Huno zwenezwo nda u pfa u tshi ri u Mubaphuthisi, kana wo rwelwa ñari kha tshivhidzo tsha Baphuthisi." A ri, "Ndi a zwi ñanganyisa zweøhe. U tou vha mini?"

¹² Nda ri, "Oo, hezwo zwo leluwa. Ndi Mupentekostaña Munazarea Mubaphuthisi." Ngauralo, hezwo zweøhe.

¹³ Musi ndi tshi da vhukati ha vhathu vha Pentekostaña, miñwaha i si gathi yo fhiraho, zwine Murena vho nthumá, musi A tshi ta uri ndi rabelele vhana Vhawe vha lwalaho. Huno tshenetsho tshivhidzo tsha dinomineisheni tshe nda ndi khatsho nga itsho tshifhinga tsho vha tshi sa tendi kha u rabelela vhalwadze, kana phodzo Khethwa. Zwo vha zwi zwisili khavho. Vho mmbudza uri ndo no vha muvhumbuluwi mukhethwa. Huno zwo luga, khañwe ndo no vha muvhumbuluwi mukhethwa. A thi divhi. Fhedzi ndo takala zwihulu, tshini na tshini tshire nda vha tshone. Huno muñwe muthu o r indo xedza muhumbulo wanga. Nda ri, "Zwenezwo nnditshe ndo rali, ngauri ndo takala zwihulu nga yeneyi ndila u fhira zwe nda vha ndi zwone nga iñwe ndila." Ngauralo ndi—ndi sokou pfa ndi wa vhuñi nga heyi ndila. Huno ndi... Lo vha dakalo li sa ambeyi.

¹⁴ Fhedzi musi ndi tshi da vhukati ha vhathu vha Pentekostaña, ndo—ndo elekanya uri tsho vha tshi tshi tou vha tshigwada tshithihi tshavho. Huno zwenezwo, nda wanulusa uri, hu na zwigwada zwinzhi zwo bvaho khatsho, ngomu havho, sa vhunga zwo ralo kha tshivhidzo tsha Baphuthisi tshire nda bva khatsho. Zwenezwo zwa ita uri ndi si dzhie sia na tshigwada na tshithihi. Ndo lingedza u ima vhukati havho vhoøhe nahone nda ri, "Ri vharathu." Ni a vhona? Huno hayo o vha maitele anga u bva tshenetsho: u vhona tshivhidzo tshihulu tsha Mudzimu a tshilaho tshi tshi kuvhangana kha lutendo na thabelo na u divhudza.

¹⁵ Huno zwenezwo musi Vhanna vha Vhubindudzi ha Mafhungo madifha o Fhelelaho vha tshi dzudzanya tshitshili tshavho, ngauri a vha dzangano. Vha tou vha tshitshili. Huno hetsho tshi ñanganedza zwigwada zweøhe. Huno zwi nñeya fhethu, huno vho ndzhia vha mmbeya fhasi ha phapha dzavho.

Huno ndi livhuwa zwi hulu tshikhala tsha u amba ndo imela Vhanna vha Vhubindudzi vha Vhakriste, ngauri heneffho ndi a kona u bvisela khagala lutendo lwanga vhukati ha zwigwada zweþhe nga tshifhinga tshithihi. Huno ndi zwithu zwi hulu kha nne. Huno ndi wela kha dzangano lithihi, helo ndi Vhanna vha Vhubindudzi ha Mafhungo madifha o Fhelelaho.

¹⁶ Huno u ita hezwo, hu na zwo raloho zwino ngei Afurika, hune ra khou dzudzanya, u ya nga tshihadu, fhasi ngei Afurika Tshipembe, he Murena a ri neya muñwe wa miþangano mihulu une ndi kholwa uri O no vhuya a ri nea wone, ho vha fhasi ngei Afurika Tshipembe, he ra vhona vhaddulapo nga nguvhro vha zwigidi zwa furaru vha tshi þanganedza Kristo sa Mutshidzi nga tshumelo nthihi ya masiari. Vho nwala fhasi vha zwigidi zwa furaru.

¹⁷ Matsheloni o no tevhela, musi Sidney Smith, mulangadorobo wa Durban, o mpfounela kha founu, ye ya vha i muþanganoni. Ro vha ri na vha yelaho kha zwigidi zwi hili afho tshitediamu, kana yone—yone þiraka ya muþatsano. Huno a ri, “Iya kha fasiþere lau huno u lavhelese nnnda nga fasiþere.” Huno heneffho ha bvelela veni dza sumbe dzo ðala. Huno idzo þiraka khulu dza Tshikhuwa dzo vha dzo ralo, u yela kha luno lufhera, dzo ðala makobodo na dziwilitshea, na—na zwithu zwe vhathu vha edela khazwo, ðuvha la murahu ha izwo. Huno vho vha vha tshi khou tshimbila murahu ha maþiraka, vha tshi khou imbelela, zwanda zwavho zwi muyani, luimbo lwe na imba tshifhinganyana tsho fhiraho, “Nga u tenda fhedzi, zwithu zweþhe zwi a konadzea.”

¹⁸ Huno nne, mbilu yanga, nda ri, “Murena, heli li do vha ðuvha la nyelelwo kha nne.” Huno maðuvha a si gathi... ðuvha... ndo vha ndi tshi khou tea u vha heneffho lwa maðuvha mararu. Huno ndi heneffho hune nda khou humela hafhu zwino. Huno heneffho, maðuvha mararu, huno ndi—ndi tou vha ndi sa ðivhi zweþhe zwa itea. Zwe zwa sokou bvelela nga ðembe lithihi le Murena vha ita kha pulatifomo; u neya mutukana, we a vha a tshi khou tshimbila nga zwanda zwawe na milenzhe, sa mmbwa, vha mu vhuyedzedza kha muhumbulo wawe wa vhukuma nahone vha mu dzudzanya, phanda ha vhathu. Huno nga ðuvha la murahu ha izwo, havho vhathu vho tou thivhiwa ngauri vho vha vha na nndwa ya lushaka. Huno zwino vho vha vha kha mulalo, vha tshi tshimbila vho parakana zwanda, vha tshi imbelela, “Nga u tou tenda fhedzi, zwithu zweþhe zwi a konadzeya.”

¹⁹ Ndi a ni vhudza, Mafhungo madifha a vhukuma a kale, naho a kha u nyadzea hao, ha athu u vhuya a xelwelwa nga maanda ao musi a tshi rerisha nga u nyadzea ha mvuwo ya Kristo. Huno ndi... A aluwa zwa vhudi kha nne, ðuvha liñwe na liñwe.

²⁰ Huno arali ni ramabindu fhano madekwana a ñamusi, nahone ni sa athu u da kha vhuledzani ha Vhanna vha Vhubindudzi, i ri ni ndi ni ombedzele havha Vhanna vha

Vhubindudzi ha Mafhundo madifha o Fhelelaho. A ni teyi u wela kha tshiñwe tshivhidzo, kana—kana tshtentsho tshivhidzo tshine na vha khatsho, zwo luga nga maanda. Tshi na therò “Vhanna vha Vhubindudzi ha Mafhundo madifha o Fhelelaho.” Fhedzi a zwi teyi u vha muthu wa Mafhundo madifha o fhelelaho a zwi itaho. Vhamethodisi, Vhabaphuthisi, Vhaluñtere, Vhapluresibatherieni, na vhotshifhe vha Katolika, a nga vha nnyi kana nnyi heneffho.

²¹ Ni a ñivha, ndi a tenda Yakobo o gwa tshisima huno Vhafilista vha mu pandela khatsho. Ndi a tenda o tshi vhidza, “vhuvhi,” kana tshiñwe tshithu. A gwa tshiñwe hafhu, vha mu pandela khatsho. A tshi vhidza, “nndwa.” Huno vha gwa tsha vhuraru; a ri, “Hu na lufhera Iwashu roþhe.” Ngauralo ndi elekanya uri hezwi zwo ralo; hu na lufhera Iwashu roþhe hafha. Huno ri ðo takala u vha na vhoiñwi hafha Tucson, u dzhena ngomu huno na ñedzana na riñe.

²² Huno zwenezwo ni so ngo hangwa muñangano wa Phoenix. Huno zwino, ndi a zwi ñivha uri a ri ngo tea u ita khunguwedzo u bva kha pulatifomo hafha, ngauri ro vheya uyo mulayo. Fhedzi ngauri hezwi zwoþhe zwo tumana na Vhanna vha Vhubindudzi ha Mafhundo madifha o Fhelelaho, ndi khou ya u vha na thabelo u itela vhalwadze, na u rera, maðuvha maña phanda ha muñangano wa ngei Ramada, Nyendavhusiku ino i no khou swika . . . [Muñwe muthu u ri, “Phando.”—Mudz.] Phando nga . . . [“dzi 19 u swika dzi 23.”] Dzi 19 u swika dzi 23. Maðuvha maña. Ndi ðo thoma nga dzi 19, izwo ndi zwone? [“Ee.”] Ndi thoma nga dzi 19. Huno zwenezwo ndi na maðuvha maña, muñangano.

²³ Huno kha vhoiñwi vhatnu vha Tucson, vhusiku vhu tevhelaho ha Swondaha, ndi khou rabelela vhalwadze, ngei kha Dzikhuñhangano dza Mudzimu, Grantway, kha tshivhidzo tsha Mukomana Arnold Mack. Arali hu na muñwe muthu a lwalaho nahone a takalelaho u ña, ndi ðo vha ndi tshi khou amba ndi heneffho, Murena vha tshi funa, vhusiku vhu tevhelaho ha Swondaha, ndi tshi rabelela vhalwadze.

²⁴ Huno zwino ngavhe phaþutshedzo dza Mudzimu dzi tshi dzula kha vhoiñwi. Huno arali ni na Bivhili ya vhoiñwi, ndi ðo tama u ya nga u þavhanya kha Ipfi, ngauri ndi a zwi ñivha uri vhanzhi vha vhoiñwi ni a shuma matshelo. Huno ndi ðo amba na vhoiñwi madekwana a ñamusi u bva kha Luñwalo lune nda khou þoda u vhala u bva kha bugu ya Vharoma, Vharoma ndima ya 8. Huno ri khou þoda u thoma kha ndimana ya 28, huno ra vhala ri tshi tsa u swika kha ndimana ya 32, nayo nga ngomu. Vharoma 8:28.

Huno ri a zwi ñivha uri zwithu zwoþhe zwi shumisana u ya havhuði kha avho vha funaho Mudzimu, kha avho vhane vha . . . vho vhidzwaho u ya nga ndivho yawe.

Ngauri vhe a dzula o vha divha, o dzula o vha ta uri vha edanywe na tshifanyiso tsha Murwa wawe, uri a vhe tanzhe vhukati ha vharathu vhanzhi.

Vhe a dzula o vha ta, vhenevho o vha vhidza: huno vhe a vha vhidza, o vha ita vho lugaho: huno vhe a vha ita vho lugaho, vhenevho o vha ɳeya vhugala.

Ri do ri mini-ha kha izwi zwithu? Arali Mudzimu a ima na riŋe, ndi nnyi ane a nga ri pikisa?

Ene we a si tshivhe Murwa wawe vhukuma, fhedzi a mu ɳetshedza u itela riŋe rothe, u do ralo hani ngae u sa ri ɳeya zwithu zweathe?

²⁵ Ngavhe Murena a tshi engedza phaṭhutshedzo Dzawe kha u vhaliwa ha Ipfi Lawe. Huno zwino ndi khou ṭoda u amba nga heyi theroy: *Khangwelo*. Bivhili yo amba hafha, madekwana a ɳamusi, uri, “O ri ɳeya zwithu zweathe.” Zwo luga, ri nga ralo u amba nga “zwithu zweathe.” Fhedzi ri do dzhia tshithu tshithihi tshe A ri ɳeya, huno tshenetsho ndi: *Khangwelo*. Huno ndi elekanya uri ndi ipfi la vhugala, u “hangwelwa.” Ngauri, rothe ri na mulandu wa tshivhi. Rothe ro tshinya nahone ro ṭahela vhugala ha Mudzimu. Huno Mudzimu, nga kha Murwa Wāwe, o ri hangwela kha hoyu mulandu wa vhutshinyi na tshivhi.

²⁶ Huno khangwelo i nkumbudza nga ha tshiṭori tshe nda vhuya nda tshi vhala, tsha misi ila ya Nndwa ya Tshandululo, ndi a tenda yo vha i yeneyo. Hezwo, ho vha hu na muthu, sole, sole la mulenzhe le la ita tshiñwe tshithu tshe tsha vha tsho ralo... Khothe yo mu wana mulandu nahone a gwevhwiwa uri a thuntshiwe. Ndi uri zwo vha zwo ralo, o ṭutshela vhuimo haweha mushumo nga tshifhinga tsha nndwa. Huno o—o vha a tshi khou ya u vhulaiwa nga tshigwada tshiṭuku tsha u thuntsha.

²⁷ Huno muñwe a pfela uyu munna vhuṭungu u swika a tshi gonya a ya kha—kha Phuresidente muhulu Lincoln. Lincoln, nge a vha a muṭhannga wa Mukriste... Vha ri o vha a tshi khou gidima a kha gariki yawe musi murumiwa a tshi ṭangana nae. Huno a wa nga magona awe nahone a ri, “Vho. Lincoln, phuresidente wa United States, muñe wanga wa u luga,” a ri, “Ndi humbelela muñwe khathutshelo, ndi tshi divha uri u Mukriste, na u divha uri u na vhuthu mbiluni yau kha vho netaho.” A ri, “Khonani yanga o vha a kha vhuimo ha mushumo he a vha o vheiwahone, fhedzi musi zwigidi zwi tshi unga na zwigidi zwi hulu zwi tshi thuntsha, o mbo di tshenuwa huno a ṭutshela vhuimo ha mushumo. Vho. Lincoln, o vha a sa ṭodi u ralo. Ndi munna wa vhudi. Huno zwino, zwi na vhege u bva kha lino duvha, u tea u fa nga tshigwada tshiṭuku tsha vha thuntshi. A hu na ndila ya u mu tshidza nga nn̄da ha musi u tshi saina khangwelo yawe.”

²⁸ Vho. Lincoln, miṭodzi i kha maṭo awe, a bvisa tshipida tsha bammbiri kha tshiambaro tshawe huno heneffo a ɳwala, “Nne,

Abraham Lincoln, ndi hangwela hoyu munna kha *hezwi*, nahone ha nga lovhi,” huno a saina dzina ḥawe khalo.

²⁹ Huno uyo munna a mu ḥea phathutshedzo dla Mudzimu. Huno a humela murahu khotoni, huno a amba na khonani yawe, “Ndi na khangwelo yau.” Huno a i bvisa, kha tshipida tsha bammbiri, huno a mu sumbedza.

³⁰ Huno uyo munna a ri, “U so ngo ntsema. Ndi khou lugela u fa hafha, huno zwenezwo wa ḫa na tshithu tsho raliho? A thi zwi tendi. Ndi tou vha ndi nga si zwi tende. Hezwo a two ngo ralo. Muthu muňwe na muňwe a nga saina dzina ḥawe, ‘Abraham Lincoln.’”

³¹ A ri, “Fhedzi heyi ndi tsaino ya phuresidente.” A ri, “Wo hangwelwa.”

³² Huno a rembulusa muṭana wawe nahone a ḫuwa. Huno munna uyo a fa fhasi ha tshigwada tsha vha thuntshi.

³³ Huno kheyi afha yone—yone—yone mbofholowo u bva kha Abraham Lincoln, phuresidente wa United States, ya u vhofholola hoyu munna, huno fhedzi vha mu thuntsha. Ngauralo, zwa iswa kha Khothe Khulu, huno tsheyo ya vha heyi, “Khangwelo a si khangwelo nn̄dani ha musi i tshi ṭanganedzwa sa khangwelo.”

³⁴ Ngauralo hezwi madekwana a ḥamusi zwe nda vhala, zwa uri Mudzimu o ri ḥeya zwithu zweṭhe, huno U a ri ḥeya khangwelo, ndi khangwelo kha havho vhane vha khou ḫoda u ṭanganedza Ipfi la Mudzimu sa khangwelo. Fhedzi li tou vha fhedzi, riŋe ri tshi khou li vhala, a zwi ambi uri no hangwelwa. Zwi amba uri ni khou tea u li ṭanganedza sa khangwelo yanu, uri Mudzimu o netshedza Murwa Wawe uri a fe vhuimoni hanu, huno zwenezwo ndi khangwelo.

³⁵ U vhofhololwa kha mulandu, ndi zwine ra tama u vheya kha hezwi. Khangwelo u bva ha Mudzimu ndi mbofholowo ya u bva kha mulandu. Hu si u rembuluswa nga pfunzo ya muhumumbulo ya luňwe lushaka lune lu nga ralo nga inwe ndila u ni fha zwipfi zwitku zwa uri no ita zwine zwa vha zwone, nga u vha murađo wa tshivhidzo, kana u dzhia inwe mikhuvha. Fhedzi ndi yone—yone mbofholowo ya u bva kha mulandu, nga maanda a Khalivari. Tshinwe tshithu tsho ni vhofholola. A hu tshe na mulandu. Bivhili i ralo, ndi a tenda, kha Vharoma 5:1, “A hu tshe na u haṭulwa kha avho vha re kha Kristo Yesu, vha tshimbilaho vha sa tevheli ḥama, fhedzi vha tevhelaho Muya.”

³⁶ Zwino, muthu, musi o vhofhololwa tshivhini, munna kana musadzi, a hu tshe na lutamo mbiluni dzavho lwa u tshimbila vha tshi tevhela zwithu zwa shango. O hangwelwa nga mahala nahone o no vha tshivhumbiwa tshiswa kha Kristo Yesu. Huno lutamo lwawe lwo dzudzanyelwa zwithu zwa ngei n̄ha, hune Kristo a dzula kha tshanda tshaula tsha Mudzimu. O vhofhololwa nga mahala. Ha teyi u vha na muňwe tshifhe wa u

mu vhudza kana mushumeli wa u mu vhudza. U ya ḋivha ngomu hawe uri o hangwelwa, ngauri o zwi ṭanganedza n̄tha ha vhuimo ha uri Mudzimu o zwi rumela khae, nga kha Yesu Kristo. Zwipfi zwa hani ngoho u ḋivha uri wo vhofholowa kha tshivhi!

³⁷ Ndo vhudziwa, musi Nyito ya u Huwelela i tshi sainiwa u itela phuli ngei Tshipembe, miñwaha minzhi yo fhiraho, uri tshifhinga tshone tshe vha vha vho vhofholowa ho vha musi ḋuvha lo ṭavha nga matsheloni mañwe. Huno vhothe vha bva kha zwa u ṭavha miri zwa kale. Huno vhanna vhanzhi vha gonya n̄tha ṭhodzini ya thavha, ngauri vha ya kona u vhona ḋuvha li tshi ṭavha, huno zwenezwo vhanna vhahulwane, fhasinyana ha afho, zwenezwo vhasadzi na vhana vha fhasi. Huno ho vha hu kale vho lindela phanda ha musi li tshi tsha. Ngauri, mabannda a phuli, milingo i kondaho yo swaya vhutshilo havho nga matphupo, huno vho vha vho t̄lulutshelwa ilo ḋuvha line vha do ḋivha uri vho hangwelwa. Huno Nyito ya u Huwelela ya ri “Nga ḋuvha likene-kene, musi ḋuvha li tshi ṭavha, vho vhofholowa.” Huno vho vha vho t̄lulutshelwa u vhona awara ya musi ḋuvha li tshi ṭavha, vho vha vha na u swela lune vha gonya dzithavha.

³⁸ Oo, arali vhaitazwivhi madekwana a namusi vha nga tou vha na u swela u ḋivha uri no hangwelwa. No hangwelwa nga miniti une na ṭanganedza Yesu Kristo sa Mutshidzi wanu. Zwenezwo no hangwelwa.

³⁹ Vho ri vhanna vhuṭuku vha lindela. Huno musi ḋuvha li ts̄gi thoma u penya ngei vhubvaduvha, vha huwelela fhasi kha vhaaluwa, “Ro vhofholowa!” Huno vhaaluwa fhasi, kha vhasadzi na vhana, “Ro vhofholowa! Ro vhofholowa!” Ngauri ḋuvha lo ṭavha.

⁴⁰ Oo, musi muthu o rengiselwa tshivhini, huno musi Murwa wa Mudzimu a tshi bva vhiðani nga ala matsheloni, u itela u luga hashu, ndi elekanya uri zwi tea u vha u huwelelau mona na lushaka, “Ro vhofholowa kha tshivhi na kha ṭhoni, ro hangwelwa nga mahala nga mbofho dza Khalivari.” A hu na tshithu tshihulu tshine tshi nga neya lushaka lwa vhathu.

⁴¹ Musi muthu a tshi tshinya tsimuni ya Edeni, o fhira gake lihulu vhukuma, a difhandekanya na Uyo wa Lini na lini. Muthu nga itsho tshifhinga o vha a wa Lini na linin a Mudzimu. O vha a si na malwadze, matphupo, kana lufu. Muthu o vha a so ngo sikelwa uri a fe. Hele yo vha i so ngo itelwa muthu. Hele yo vha yo sikelwa diabolo na vharuňwa vhawé, huno hu si lushaka lwa muthu. Ngauri, vho sikwa kha lifhasi uri vha vhe vharwa na vhananyana vha Mudzimu. Fhedzi musi muthu a tshi tshinya nahone a fhira mutalo wa phandekanyo vhukati ha zwi re zwone na zwi si zwone, o difhandekanya u bva kha Mudzimu, a disia murahu-rahu. O vha o xela zwi khagala. O vha a sa koni u vhuya murahu, ngauri o tshinya.

⁴² Fhedzi, Mudzimu, o pfumaho khathutshelo, a ṭanganedza tshiimeleli. Ngauri O ri, “duvha line wa la, lenelo duvha u do fa.” Huno mulayo wa Mudzimu na vhukhethwa Hawe zwi ṭoda lufu, ngauri ndi Ipfi Lawe. Huno U tea u tevhedza Ipfi Lawe, uri a vhe Mudzimu.

⁴³ Huno zwino, lufuno lwe a vha A nalwo kha lushaka lwa vhathu, huno fhedzi a tea u vha vhona vha tshi fhandekanywa u bva Khae, huno vhuledzane he A vha a na ho na vhana Vhawe ngei tsimuni ya Edeni, kha iyo nyimele ya mbilu yo kwasheaho ine A tea u vha khayo kha tshifhinga tshoṭhe, ngauri Ipfi Lawe lo ri, “Duvha line wa la, lenelo duvha u do fa.”

⁴⁴ Zwenezwo, ri nga digogodedza kha zwenezwi, tshini na tshini tshire Mudzimu a amba ndi ngoho. Tshi tea u vuledzea. Mudzimu a nga si humisele Ipfi Lawe murahu, ni a vhona, ngauri Ha na magumo, nahone Ndi wa Lini na lini. Huno tsheo Yawe ya u thoma ndi tsheo ya tshifhinga tshoṭhe. Ha tei u—u li humisela murahu ngauri O guda zwinzhi nga halo. Ha na magumo, na u rangani hazwo. Huno zwo ralo, musi Mudzimu a tshi amba tshithu tshiñwe na tshiñwe, tshi nga yeneyo ndila. Tshi nga si vhuye tsha shandukiswa, ngauri ndi tsheo yo khunyelelaho.

⁴⁵ Huno ndila ye Mudzimu a ita kha—kha vhenevho vhane vha ṭanganedza tsheo Yawe, zwi do dzula u ralo kha muñwe na muñwe ane a ṭanganedza tsheo Yawe nga yeneyo ndila. Zwo raloha, arali O ita ndila ya uri muthu a tshidziwe, ndila ya u thoma ye A ita yo dzula i yeneyo ndila nthihi. Huno arali Mudzimu o fulufhedzisa phodzo kha vhalwadze, nthia ha lutendo lwa u i tenda, zwi dzula zwi nga yeneyo ndila. A nga si zwi humisele murahu. Ni a vhona? U tea u dzula a nga yeneyo ndila.

⁴⁶ Zwino, Mudzimu o ṭanganedza tshiimeleli u itela muthu ngei tsimuni ya Edeni, huno heyo yo vha i ndila ya malofha a tshithavhelo. Malofha o tea u badela muten go. Huno zwo dzulela u ralo. A hu athu u vha na iñwe ndila, kana tshiñwe tshithuvhoo, tshe tsha vhuya tsha dzhia vhimo hazwo. Ho vha malofha. Ndila i yothe ine Mudzimu a ṭanganedza vhana Vhawe murahu, ndi nga malofha a tshiimeleli. A hu na muñwe mutengo une wa nga badeliwa. A hu na tshiñwe tshithu tshire tshi nga ralo. Tsheo ya u thoma ya Mudzimu i dzula yo khunyelela, nahone hezwo ndi zwa Lini na lini. Huno ri a zwi divha uri izwo ndi ngoho, ngauri Mudzimu a nga si zwifhe, nahone A nga si humisele Ipfi Lawe murahu. U bva itshe tshifhinga, yo dzulela u vha ndila i yothe ya Mudzimu na fhethu hu hoṭhe ha vhuledzani na muthu. Zwino, vha shumeli ho vha hu . . .

⁴⁷ Zwino, ipfi *lufu* zwi amba “phandekano.” Musi ri tshi fa nga heyi ndila, a zwi ambi uri . . . Lufu lwashu lwa nama a zwi ambi uri ro fa. Yesu o ri, “Uyo ane a tenda kha Nñe, naho o vha o fa, fhedzi u do tshila. Nnyi na nnyi ane a tshila nahone a tshi tenda kha Nñe ha nga lovhi.” Zwino, holwo *lufu*, lune lwa khou ambiwa

hafho, ndi “phandekano” u bva Vhuhoneni ha Mudzimu. Fhedzi lufu lwa ɔnama lune ra khou tea u fhira khalwo hafha, fhedzi a si lufu. Ri kha di vha Vhuhoneni ha Mudzimu. Ri bva hafha fhethu ra ya fhethu hu re tsini Nae, Vhuhoneni Hawe. A si lufu zwine ra zwi vhidza “lufu,” zwine ra zwi vhidza fhano.

⁴⁸ Elelwani, O ri kha—kha musidzana we a vha o fa, ńwananyana wa Yairo, “Ho ngo fa, fhedzi o tou edela.”

⁴⁹ Huno vha Mu sea, Ene, a tshi ɖivha uri o vha o fa. Heło ndi ipfi ɻavho, “O fa.”

⁵⁰ Fhedzi Yesu o ri, “O tou edela.” Huno A ya a mu vusa, huno a vhuya murahu vhutshiloni.

⁵¹ Zwino, u bva kha Adamu u swika zwino, muthu o lingedza u ita tshiimeleli tshawe ene muñe. O lingedza u ya nga hune a kona u ita tshiñwe tshithu tsha khwiñenyana u fhira tshe Mudzimu a tshi ita. Huno iyo i tou vha mvélo kha muthu. Muthu u dzulela u—u khwinisa tshiñwe tshithu, u tshi ita nga ndila yo fhambanaho. U ɻoda u dzenisa kuhumbulele kwawe kha ndivho ya Mudzimu. Huno ndi ngazwo ri tshi ima madekwana a ɔnamusi ro fhandekana, vhathu vha Vhakriste vha shango, nga magake, nga magake a zwa vhu dinomineisheni. Ri... Zwi vha nga u rali ngauri muthu o dzenisa kuhumbulele kwawe kha ndivho ya Mudzimu. U bva kha Adamu u swika zwino, sa vhunga ndo amba, zwe vha nga yeneyo ndila.

⁵² Adamu o bvisela khagala ngelekanyo ya muthu, ngei tsimuni ya Edeni, musi a tshi ɖiitela apuroni ya ɻari la muhuyu uri a livhane na Mudzimu. Ndi tshithu tshe a tou ita, ene mune. Huno u bva kha maṭari a muhuyu, o lingedza pfunzo, dzithawara, dzidorobo, zwifanyiso, vhutshilotshedza, dinomineisheni. Fhedzi zwi dzula zwe ralo. Mudzimu u tanganedza fhedzi vhalanda Vhawe fhasi ha Malofha. Ndi zwenezwo fhedzi.

⁵³ Pfunzo yo kundelwa lwo fhelelaho. Musi ri tshi ɔnana u funzea, ri a tutshelana nga maanda. Dinomineisheni yo kundelwa lwo fhelelaho. Rio la mitalo na magake, huno muñwe na muñwe u khou lingedza u takula iyo dinomineisheni u fhira iñwe, huno zwi kwasha vhuledzani. Vhutshilotshedza ho tou ralo u disa ndado. Dzidorobo, dzithawara, na zwiñwe zwinzhi, zwe the zwe kundelwa. Huno ndivho ya Mudzimu i tshe yo ralo: fhasi ha Malofha.

Haya Malofha a tea u vha malofha o ɻanwaho. Ngei tsimuni...

⁵⁴ Murahu tshifhingani tshila, zwavhudí-vhudí, tsha Isiraele, musi Isiraele i tshi tea u vhułaya ngwana na ú vheya malofha kha tshiaramo na kha mihangwammbwa, Mudzimu o ɻoda zwenezwo. Huno luswayo lu tea u vha heneffo, hu si na ndavha nga vhuñwe vhuimo. Havho vhanna vha nga vha vho sumbedza uri vho vha vha Vhaisiraele vho rubiswaho. Vha nga vha vho

bula uri, "Ri tenda ipfi linwe na linwe line Yehova a amba." Fhedzi hezwo a zwi ngo zwi thivhela. Vho tea u tana ulwo luswayo. Malofha a tea u sumbedzwa.

⁵⁵ Zwi nga yeneyo ndila madekwana a namusi. Ndi a tenda uri Mukriste muñwe na muñwe u tea u tana Malofha a Yesu Kristo e a vha tanzwa u bva kha zwithu zwa shango, zwi si na ndavha.

⁵⁶ Zwino, nga itsho tshifhinga, luswayo lu tea u vha kha vothi. Lu tea u vha henefho, zwi si na ndavha uri nnđu yo vha i ya vhurereli u swika gai, uri vhathu ndi vha vhurereli u swika gai, uri vho alusa vhana vhavho zwa vhudi hani, uri vha a ya tshivhidzoni zwa vhudi hani, uri vho tana zwithu zwe the hani zwe Mudzimu a amba. Zwi kha di ralo, kha iyo awara ya u fhedza, hune zwa sumbedza vhukati ha lufu na vhutshilo, malofha a tea u taniwa. Huno malofha a sumbedza uri tshiimeleli tshi si na mulandu tsho dzhiwa vhuimoni ha muloshi. Huno malofha a mvelo, malofha matswuku one ane, o vha a tshiga kha vothi tsha uri heyi nnđu yo vha yo tsireledzea, fhasi ha malofha. Zwino, hezwo zwe vha zwi tshifanyiso.

⁵⁷ Zwino, kha ano mađuvha a u fhedza, ri khoushuya murahu hafhu kha awara ya Mudzimu a tshi khoushuya phulusa Tshivhidzo Tshawe. Ndi—ndi a zwi tenda. Huno sa vhunga malofha o tea u ima u itela nyelwel, ngauralo na luswayo lu tea u ralo. Lu khoushuya qamusi. Ngauri, zwino, vha nga si dzhie Malofha a mvelo a Murena Yesu huno vha a dodzi kha vothi la mbilu inwe na inwe.

⁵⁸ Fhedzi, ni a vhona, itsho tshifhinga, phukha yo fa, ye ya vha i ngwana. Huno u sumbedza uri phukha yo vha yo fa, malofha o vha a kha vothi. Ngauralo vhutshilo he ha vha hu kha phukha ho vha hu sa koni u da kha muloshi, ngauri phukha a i na maya. Ngauralo vhutshilo he ha vha hu kha phukha ho vha hu sa koni u da kha muloshi.

⁵⁹ Fhedzi, qamusi, musi Malofha a Murwa wa Mudzimu ene muñe a tshi shuluwa kha Khalivari u itela u hangwelwa hashu na mboholowo, vhutshilo he ha vha hu kha ayo Malofha ho vha hu Mudzimu Ene muñe. Huno Muya Mukhethwa u vhuya kha Tshivhidzo Tshawe, kha vhatendi Vhawé, huno ndi luswayo kha ano mađuvha a u fhedza, uri U do fhira ntha ha munna kana musadzi ane a tanganedza lufu lwa Yesu Kristo sa tshiimeleli tshavho. Huno Muya Mukhethwa u ya tanzuela.

⁶⁰ Ni nga ri, "Ndo U tanganedza." Huno ni tshi kha di tshila shangoni, ni tshi kha di tshila sa shango, zwenezwo-ha a hu na vhučanzi ha uri uvho Vhutshilo ho vha hu hanu, u zwika uvho vhučanzi ha Muya Mukhethwa hu tshi swika kha vhutshilo hanu.

⁶¹ Kheyo tħodeya ya Mudzimu, ine munna muñwe na muñwe kana musadzi a tea u vha nayo, uvho vhučanzi sa luswayo kha duvha la u fhedza. "Musi Ndi tshi vhona Malofha."

⁶² Yesu o ri, “Ngoho, ngoho, Ndi a ni vhudza, nn̄dani ha musi muthu a tshi bebiwa hafhu, nga mađi na Muya, ha nga vhuyi a dzhena Muvhusoni.”

Ngauralo yo vha mbekanyamushumo ya Mudzimu, tshifhinga tshothe, Malofha. Ho vha hu malofha kha Thestamente ya Kale. Ho vha hu Malofha kha Thestamente Ntswa.

⁶³ Kha Thestamente ya Kale ho vha hu mvelo, ye ya vha i tshi fanyiso tsha vhutshilo he ha vha hu tshi kha di da. Zwi sumbedza uri ho vha hu na tshiimeleli tsho dzhiwaho, fhedzi muloshi o tuwa na luvalo lwa mulandu muthihii we a vha a nayo musi a tshi dzhena ngomu huno a ḥetschedza ngwana.

⁶⁴ Fhedzi heyi ndila, “Musi muloshi, a vhuya a ḥanzwiwa u bva tshivhini, ha tshe na luvalo lwatsho,” tshenetsho tshithu tsho fa, tsho fhira, huno no shanduka u bva lufuni u ya kha Vhutshilo. Huno ni khou tshila hafhu kha Kristo Yesu na Vhutshilo ha Lini na lini, Muya Mukhethwa wo dzula ngomu hañu, u tshi bveledza Vhutshilo ha Yesu Kristo hafhu. Ngauri Bivhili yo ri, kha Vhahevheru 13:8, “Ha shanduki mulovha, ḥamusi, na lini na lini.”

⁶⁵ Mudzimu o lindela awara ya u vhona Tshivhidzo Tshawe tshi tshi da kha uvho vhuimo, hu si na ndavha uri dinomineisheni, hu si na ndavha yone mikhuvha, muvhala, kana tshini na tshini, uri Tshivhidzo Tshawe tshothe tshi de fhethu hune vha khou ḥana luswayo lwa lufu lwa Yesu Kristo.

⁶⁶ “Ngauri hu si kale,” O ri, “huno shango a li tsha do Mmbona, fhedzi ni do Mmbona; ngauri Ndi a tshila, ni a tshila-vho. Ndi do vha na vhoiñwi, na kha vhoiñwi, u swika magumoni a shango,” Yesu Kristo a sa shanduki mulovha, ḥamusi, na lini na lini.

⁶⁷ Ndi a dzhena vhukati ha Vhakriste tshinwe tshifhinga vhane vha divhidza vhanna vho khethefhadzwaho, vhasadzi vha Mudzimu. Vha ya shona vhuñanzi. Vha ya shona u ri, “Amen.” Vha ya shona u imba nyimbo dza Tsioni. Vha ya shona hothe-hothe. Ndi a takalela u dzhena vhukati ha vhathu vha sa shoni Mafhungo mađifha a Yesu Kristo. Naho A tshi vhonala sa maloto, fhedzi a vha shoni. Tshinwe tshithi tsho itea, huno Tshi amba zwinzhiu fhira vhutshilo khavho. Ndi vhutshilo. Ndi Vhutshilo ha Lini na lini ngauri vho ḥanganedza tshiimeleli tsha Mudzimu.

⁶⁸ Ndi a takalela kuimbele kwo raliho. Musi ndi ngei murahu ndi tshi khou rabelela vhanwe vhathu, tshikhalyanya tsho fhiraho, vhe vha diswa. Huno uyu naho u si muñangano wa thabelo; fhedzi wa u tou amba. Ndo vha ndi nga ngomu heneffho. Huno ndo vha ndi tshi kona u pfa dzinyimbo, u vhandwa ha zwanda zwavho. Huno ra qivhudzisa... Huno vhañwe vha vho vha ita na u, ndo vha vhona, vha tshi gidima n̄tha na fhasi, zwine vha zwi vhidza “u tshina Muyani.”

⁶⁹ Lwa u thoma, ndo vha ndi musasalandzi wa izwo, musi ndi tshi vhona vhathu vha Pentekostała vha tshi khou tshina Muyani. Huno nda elekanya, “Ndi mini izwi? Hu nga vha hu buto lo maloto.” Zwenezwo nda vhala Bivhili, huno nda zwi wanulusa, uri, musi ni tshi tshina Muyani. Diabolo o zwi kopela nahone a vha vheya nnđa hafha kha roko na rolo na zwiñwe, fhedzi mutshino wa vhukuma u bva ha Mudzimu. Izwo ndi zwone kokotolo. Huno, tshifhinga tshothe, mutshino ho vha hu gundo.

⁷⁰ Musi Davita a tshi vhulaya Goliada, huno huyu mutukana mułuku a vhonalaho o omela a vhuya a tshi kokodza ḥohoh ya hoyu musonda doroboni, vhathu vha ḥangana nae, vha tshi khou tshina. Vho vha na gundo. Musi Mushe a tshi wela Lwanzhe Lutswuku, nga maanda a Mudzimu, huno wisela vhana vha Isiraele kha liñwe sia, Miriam a dzhia tshihwana, na vhananyana vhothe vha Isiraele, huno vha tsa vha tshi gonya na khunzikhunzi, vha tshi lidza tshihwana nahone vha tshi tshina Muyani. Arali uyo u si mułangano wa fesheni ya kale wa Pentekostała, a thi athu u vhona wo raloho vhutshiloni hanga. Khakhathi yo vha yo ralo, kha nne, ndo vha ndi si na gundo lo edananho. Fhedzi musi ni tshi wana gundo, huno luswayo lwa Malofha a Yesu Kristo lu da kha inwi.

⁷¹ Ndi elelwa Davita, muimbi muhulwane wa Bivhili. Musi o ita tshiñwe tshithu, tshire, hetshi tshithu tshihulu, o netshedzwa ñwananyana wa Saulo. Huno o vha a wa lushaka lwa u oma, wa maitele awe ene munę, a vhidzwaho mutendi wa u ralo. Huno mbulungelo yo vha i kule na Mudzimu lwa tshifhinga tshilapfu, Vhuhone vhu vhonalaho ha Mudzimu, Khavhu ya Mulilo yo nembelela kha heyi mbulungelo. Vhafilista vho dzhena ngomu huno vha i dzhia fhasi ha muvhuso wa Saulo. Huno liñwe ñuvha, musi Davita a tshi vhona mbulungelo i tshi vhuya murahu nduni ya Mudzimu, Davita a gidimela phanda ha mbulungelo, huno a tshina phanda ha Murena, a tshi imbelela dzitheno kha Mudzimu. Huno ñwananyana wa Saulo a vhonala a tshi shonisea kha nyito ya uyo munna. Munna wawe, wawe mułuku, munna wa u nzhinga o tumulea nahone a dinyadzisa vhuhoneni hawe, ñwananyana wa khosi. Huno Davita a ri, nga maanda, “Arali ni sa takaleli izwo, lavhelesani izwi zwiñku hafhu.” Huno u mona, na u mona, na u mona na mbulungelo a ralo hafhu, a tshi tshina Muyani. Huno a shonisea. Huno Mudzimu a sema uyo musadzi nga samba.

⁷² Oo, gundo nga kha Malofha a Yesu Kristo, luswayo lwa mvuwo ya Kristo, vhutshilo Hawe vhu tshila ngomu ha Tshivhidzo Tshawe. A hu na iñwe nqila ya vhuledzani, fhasi ha izwo, fhedzi fhasi ha ayo Malofha. Dzidinomineisheni dzashu dici do ri fhandekanya, huno iñwe ya ri, “Hayo ndi maloto.” Huno iñwe ya amba izwi, izwo, kana zwiñwe.

⁷³ Pentekoste yo vha i maitele ashu. A hu na ane a tea u amba fhedzi zwine...kana a nga amba fhedzi zwe Tshivhidzo tsha

divhiswa nga ḋuvha la Pentekoste. Huno Muya muthihi we wa da khavho nga lia ḋuvha, tshifhinga tshothe u sa kundelwi, kha Bivhili, musi Muya Mukhethwa u tshi da kha vhathu, vho ita nga ndila i fanaho.

⁷⁴ Ntendeleni ndi ambe hezwi, uri mashangoni a vha sa tendi he nda vhuya nda wana tshikhala hone, tshikhala tsha u tshimbila na u vhona vhadzulapo vha zwiṭāngadzime na kha Zwihotentosi, huno nda vha vhona vha tshi ima heneffo hune na tea u tou amba nga kha muṭalutshedzi, vha sa athu u pfa nga ha Dzina la Yesu Kristo vhutshiloni havho. Fhedzi nda vha vhudza Tshiṭori, nahone nda vha humbeli uri vha imisele zwanda zwavho ntha huno vha ṭanganedze Mudzimu, vha ita zwithu zwithihi zwine na ita hafha musi ni tshi ṭanganedza Muya Mukhethwa. Zwi sumbedza uri ndi tshithu tsha linnda loṭhe. Ndi maanda a Mudzimu Ramaanda, u tanwa ha luswayo Lwawe kha vhana Vhawe, hu si na ndavha uri kana ndi vha tswuku, vha tswu, vha tshena, kana tshini na tshini tshine vha nga vha tshone. Ndi hone fhethu hu hoṭhe hune vhuledzane ha nga ḡetshedzwa.

⁷⁵ Nimirodo o fhaṭa thawara, huno Nebukadanetsara a ralo dorobo, na zwińwe. Vha tsa fhasi nga kha vhorasaintsi na zwińwe zweṭhe, fhedzi zwi tshe zwenezwo uri ho vha malofha. Izwo, Mudzimu o dzhia tsheo Yawe uri hu do vha tshiimelei tshi si na mulandu, tshi do tea u dzhia vhuimo ha muthu a na mulandu u itela khangwelo, huno zwi kha di vha zwenezwo madekwana a ḡamusi, huno ha athu u zwi shandukisa.

⁷⁶ Yobo o tshila ngazwo. Yobo, bugu khulwanesa kha Bivhili. Naho zwithu zweṭhe zwe itea kha hoyo munna, fhedzi a ima o khwaṭha ngauri o zwi divha uri o swikelela ṭhodea ya Yehova. O zwi divha uri zwe vha zwi zwone. Abrahamu, nga ndila i fanaho; vhunzhi havho. Isiraele o ṭangana fhedzi na . . . Ho vha hu tshi tou vha na fheth huthihi he Isiraele o vha a tshi kona u vha na vhuledzani: hafho ho vha hu fhasi ha malofha o shululwaho. “Vhanna vha tea u ralo, hoṭhe, u losha ngei Yerusalem.” U swika hu tshi vha na tshiṭhavhelo, ho vha hu si na u losha. Huno tshiṭhavhelo ho vha hu malofha.

⁷⁷ Namusi, ḡamusi, naho lushaka lu tshi vhonala lwo funzea lwo fhelelaho nga u rali, naho vha tshi vhonala sa vho aluswaho fhasi ha pfunzo, na ṭhoduluso dzashu dzoṭhe dza tshisaintsi dza u kwasha athomo, na tshini na tshini tshine tsha itea, u thuntshela rokhethe ḡwedzini, kana u rumela n̥tha yone—yone satheļaihi, kana tshini na tshini. ṭhoduluso dzashu dzoṭhe dza tshisaintsi, dzidinomineisheni dzashu dzoṭhe, pfunzo yashu yoṭhe, zwikolo zwashu zweṭhe, zwe tou ri sendedza kule na Mudzimu u fhira zwe vha vhe zwone u rangani.

⁷⁸ Zwi dzhia mbilu yo ḋikumedzaho kha maanda a Mudzimu Ramaanda nga lufuno Lwawe, huno Muya Mukhethwa u do da sa luswayo kha muthu. “Hezwi zwiga zwi do tevhela avho vha

tendaho.” Zwi dzula zwe ralo. Kristo o ralo. “Iyani shangoni lothe, ni rere Mafhundo madifha kha zwivhumbwa zwe. Uyo ane a tenda nahone a lovhedzwa u do tshidzwa; uyo a sa tendi u do lāwa. Huno hezwi zwiga zwi do tevhela havho vha tendaho.” Ndi u vhonadzwa ha Muya Mukhethwa, uri Mudzimu o ḥanganedza muloshi, ngauri Muya wa Vhutshilo we wa vha u kha Kristo u da kha muloshi.

⁷⁹ Naa ni nga elekanya uri Muyuda maduvhani a kale, fhasi ha malofha o shululwaho? Khoyu u ya da, a tshi tsa na ndila. Ndi—ndi duvha la u pfumelela. U khou ya u netshedza tshiṭhavhelo. U na ya vhudi, mbohwana ya u nona. Heyo ndi ḥodeya ya Yehova. Kana khańwe ri do tou ri u na yone—yone ngwana, ya vhudi, ngwana ya u nona. I khou ya u lavheleswa, nga tshifhe, u vhona arali hu na zwe khakheyaho khayo.

⁸⁰ Huno zwenezwo a ya fhethu ha u losha. U limuwa uri u muitazwivi. O ita izwo zwe khakheyaho. Zwino, u vheya zwanda zwave kha hetshi tshiṭhavhelo. Nga u vheya zwanda zwave kha tshiṭhavhelo, u diṭalusa na tshiṭhavhelo tshawe. Huno musi mukulo wayo u tshi tumulwa, kana vhutshilo hayo vhu tshi dzhiwa; zwanda zwave zwe vheiwia khayo, huno vhutshilo hayo ha dzhiwa, huno u pfa vhuṭungu musi iyo phukha i tshi khou fa, huno malofha a tshi khou phopha u bva zwandani zwave. U limuwa uri iyo phukha i khou dzhia vhuimo hawe. Huno zwe ralo a humela murahu, o itwa o lugaho, ngauri o ita kokotolo zwe Yehova o ḥoda a tshi zwi ita.

⁸¹ Huno zwe ralo na kha Vhakriste namusi. A si u saina garaṭa, uri ni do da kha tshikolo tsha Swondaha maduvha manzhi kana Swondaha nnzhi kha nwaha. A si u fulufhēdzisa uri a ni tsha do dovha na nwa lwa miňwedzi ya rathi. A si hezwo. Ndi u vheya zwanda zwanu kha Tshiṭhavhelo tsho bveledzwaho nga Mudzimu, khangwelo Yawe, ḥoho ya Yesu Kristo, huno na pfa miṭodzi ya nama kha Khalivari. Huno zwenezwo na diṭalusa Nae kha ndovhēdzo, uri, vhunga O fa nahone a vuwa hafhu, ngauralo na inwi no switwa Dzinani Lawe, uri ni vuwe kha vhutshilo vhuswa, uri ni tshimbile sa tshivhumbiwa tshiswa kha Kristo, musi ni tshi ita izwo na vhungoho.

⁸² Itani hezwi, zwe Yehova a netshedza, huno zwe ralo u pfa o itwa o lugaho. Zwino, Muyuda o vha a tshi nga itwa o lugaho ngauri o ita zwe Yehova a mu ḥoda a tshi ita. Mafheleloni... Hezwo zwe vha zwi zwone. Yehova o ita zwenezwo, huno hezwo zwe vha zwe A ḥoda. Fhedzi, mafheleloni, hezwo zwe mbo di vha mvelele ya muṭa. Duvha la u pfumelela li tshi swika huno khańwe Vhayuda vho vha vha tshi khou ita zwe khakheyaho. U do ri, “Zwo luga, ndi a tenda uri ndi duvha la u pfumelela. Ndi khwiñe ndi ise ngwana yanga.” Ni a vhona, zwe no vha mvelele ya muṭa. A vho ngo ya nayo na vhungoho. Vho sokou zwi ita ngauri miṭa yo zwi ita. “Hezwo zwi tou vha zwine—zwine ra tea u ita. Miṭa yothe i ya zwi ita, ngauralo ri tea u zwi ita, na riñe-vho.”

⁸³ Huno ndi heneffo kokotolo he Vhukriste hashu ha swika. Ndi heneffo kokotolo hune mitshimbilo yashu ya Pentekosta la ya khou da hone. Ndi mvelele ya mūta. Ni a vhabona? A ri ralo—a ri ralo u d̄italusa na Tshīthavhelo tshashu, uri ro fana na Tshīthavhelo tshashu. Ri khou... Ri ri, “Oo, ri Vhakriste ngauri ndo ya nahone nda vha murado wa tshivhidzo.” U vha murado wa tshivhidzo two luga. Fhedzi u swika musi ni tshi taluswa, u swika ni tshi vheya zwanda zwanu Khae, huno inwi Nae na vha Tshithihi, u swika Muya wa Kristo u tshi vha kha inwi, huno inwi kha Kristo, u swika ni tshi vha murwa na n̄wananyana wa Mudzimu, a hu vhabonali hu na vhungoho vhune vha—vhe tea u vha na ho. Two no vha maitele. Vhengo two rali na zwino, ndi maitele uri vhatu vha vhe Vhakriste.

⁸⁴ Hafha tshīnwe tshifhinga tsho fhiraho ndo vhudzisa mufumakadzi mūtuku kha muduba wa thabelo, “Naa u Mukriste?”

⁸⁵ A ri, “Two luga, ndi Muamerika, ndi do u n̄eya uri u pfesese.” Zwino, vhunga izwo zwi a kwamana nazwo.

⁸⁶ Muamerika, ndi zwi hulu u vha Muamerika, fhedzi hezwo a zwi ambi uri ni Mukriste. Ni tea u bebiwa hafhu.

Mūnwe musadzi we nda vhudzisa, “Naa u Mukriste?”

⁸⁷ Nga mini, o vha o tanea, a ri, “Ndi u n̄eya u pfesesa, ndi dugisa khandela vhusiku vhuñwe na vhuñwe.” Sa vhunga izwo zwi a kwamana nazwo.

⁸⁸ Ni tea u t̄alusea na Kristo, nahone Vhutshilo Hawe vhu tshi khou tshila kha inwi. Ndi hone no t̄aluswa na Kristo, ndi musi Kristo a tshi tshila kha inwi. A si maitele. A si u wela fhasi ha tshivhidzo. Hezwo two luga zwēthe, fhedzi ni vhabona vhungoho ha vhukuma.

⁸⁹ Musi ri tshi da kha tshumelo dza phodzo, arali na nga limuwa kha vhuñlukanyi mudubani, zwi dzulela u ralo, “U vhudza vhatu uri vha shanduke.” Ni a vhabona? Khezwo heneffo, u swika thabelo dzashu dzo no vha mvelele. Ri gwadama nga madekwana huno ra ri, “Murena, fhañtshedza *Mukene na mukene*, huno u fhañtshedze *Mukene na mukene*, nahone u ite *hezwi*. Huno u thuse Yohane a ite *hezwi* zwēthe.” Ni ita Mudzimu sa—sa tshifanyiso, kana ni Mu ita muñwe—muñwe mutukana ane na mushumisa u wana tshiñwe tshithu. “Mudzimu, Ni ita *hezwi*. Na ita *hezwi*. Na ita *hezwi*.” Heyo a si yone ndila ye Yesu ari vhudza uri ri rabele ngayo.

⁹⁰ O ri ri rabele sa hezwi, “Khotsi ashu Ane a vha Tađulu, kha hu rendwe Dzina L̄au. Muvhuso Wau u de. Lufuno Lwau lu itwe kha l̄ifhasi, vhunga lu tshi ralo negeyo Tađulu.”

Fhedzi ri lingedza u laya Mudzimu, uri a ri itele mini.

⁹¹ Huno heyo ndi yone mbuno tshivhidzo tshi tshi khopu rothola. Ndi ngazwo mvuseledzo khulu yo swikaho shangoni, yo

dzenisa vha dzimilioni ngomu tshivhidzoni. Yo tou ralo, yo ralo, vho swika fhethu hune vha khou shumisa hetshi tshenzhemo, na zwiñwe zwinzhi, sa mvelele, vhudzuloni ha u vha na mañungu a vhumudzimu, na u tendela Muya Mukhethwa u tshi ita mushumo wa ofisi Yawo ngomu hanu, huno wa sika kha inwi vhutshilo vhuswa, huno wa ni ita uri ni vhe na ndala khulu ya u ya tshivhidzoni lune ni nga si kone u dzulela kule na tshivhidzo. Zwenezwo, ndi zwenezwo. Hu si u saina dzithikhithi, na u vha murado, na u vha na zwiñwe zwinzhi. Ndi u vha na Vhutshilo ha Kristo ngomu hanu, lune na sokou tulutshelwa u ̄tuwa. Hu na Tshiñwe tshithu ngomu hanu, tshi no khou ni kokodza.

⁹² Sa vhunga ndo vha ndi tshi khou amba na muthu muñuku mulovha, kha u amba, nyambedzano thukhu. Nda ri, “Ndo vha nsi tshi fhira tsini na tshisima tshiñku, musi ndi mulindi wa phukha ngei Indiana. Huno ho vha hu na . . .”

⁹³ Tsho dzulela u vha tshisima tsha vhudi tshe nda vhuya nda tshi vhona vhutshiloni hanga. Zwisima zwi hulu ngei Indiana, zwi fhufhuma nga madi a vhudi a rotholaho, madi a matombo matshena. Huno liñwe duvha nda dzula fhasi tsini na tshisima, uri ndi ambe natsho, vhunga ndi tshi kholwa uri Mushe o vha a tshi ðo dzula, kha tshiñaka tshi dugaho, uri a ambe natsho. Huno nda ri, “Tshisima tshiñku, ndi tshini tshi u itaho uri u takale nga u rali, lune wa fhufhuma tshifhinga tshothe? Arali nda da hafha nga tshifhinga tsha vhuria, ndi wana u tshi fhufhuma. Arali nda da nga tshifhefho, luñabvula, tshilimo, lini kana lini, u dzula u tshi khou fhufhuma. Kani ndi ngauri khañwe, khañwe-ha, wo takala nga maanda ngauri mivhuða i ða huno ya nwa kha iwe?”

⁹⁴ Zwo luga, zwino, arali tsho vha tshi tshi kona u amba, tsho vha tshi tshi ðo ri, “Hai, hezwo—hezwo a si zwone.”

⁹⁵ Ndo vha ndi tshi ðo ri, “Zwo luga, khañwe ngauri zwivhingwi zwi fhira nahone dla nwa kha iwe.”

Tsho vha tshi tshi ðo ri, “Hai, a si hezwo.”

⁹⁶ Ndo vha ndi tshi ðo ri, “Zwino, zwo luga, khañwe ndi ngauri ndi a ða, luthihi murahu ha tshifhinga tshilapfu, huno nda nwa kha iwe.”

⁹⁷ “Hai, a si hezwo. Ndo takala uri vhothe vha ya ða huno vha nwa, fhedzi heyo a si yone mbuno ya uri ndi fhufhume tshifhinga tshothe.”

⁹⁸ “Zwo luga, ndi tshini tsho no ita uri u fhufhume sa izwo? Ndi tshini tshi u takadzaho, tshifhinga tshothe u dzula u tshi thamutshela ntha?”

⁹⁹ Arali tsho vha tshi tshi kona u amba, tsho vha tshi tshi ðo ri, “A si nñe. Ndi tshiñwe tshithu murahu hanga, tshi no khou kokodza.”

¹⁰⁰ Zwi nga yeneyo ndila kha tshenzhemo tsha Mukriste. A si tshithu tshine na khou lingeda u tshi ita. Ndi tshiñwe tshithu

nga murahu, tshi khou zwi ita kha inwi. Ndi Vhutshilo ha Lini na lini vhune ha khou ni tshimbidza, ha khou ni sukumedzela nthā. Vhunga zwe A vhudza musadzi ngei tshisimani, “Hu do vha zwisima zwa madi zwi tshi fhufhuma Vhutshilo ha Lini na lini.” Ndi tshinwe tshithu ngomu ha muloshi musi o ṭaluswa na Kristo, ngauri u ya zwi ḫivha uri U ya tshila. Fhedzi a ri zwi ḫodi zwi tshi vha mvelele.

¹⁰¹ Musi Isiraele i tshi swika fhethu he vha ita milayo ya Mudzimu, nga zwiṭhavhelo zwavho, mvelele, ndi zwenezwo he muporofita wa maanda Yesaya a rumiwa a tshi bva ha Mudzimu, khavho, a na A RALO MAAMBA MURENA. Hunwe fhethu, nga iñwe ndila-vho, Mudzimu u ya kona u vheya tshanda tshawe kha muthu a sa ofhi u kherukanyela fhasi zwithu zwi re zwone, huñwe fhethu, huñwe fhethu-vho. Yesaya a takuwa, arali na nga vhala Yesaya 1. Ndi nayo yo ñwaliwa hafha. Yesaya o vha vhudza, a ri, “Zwiṭhavhelo zwañu zwine Yehova a ḫoda zwi vho nukha ningoni dzanga. Ndi a zwi vhenga.” Huno u nona ha thutha na—na ha tholana, na zwiñwe, Mudzimu o zwi vhenga, tshithu tshithihi tshe A vha laya uri vha ite. Ngauri vho zwi ita maitele, zwenezwo Mudzimu a zwi vhenga, ngauri vho zwi ita maitele.

¹⁰² Huno ri nga ita Ipfi la Mudzimu tshithu tshithihi, ndi zwone, musi ri tshi da khalo sa mvelele, maitele. Ri tea u da khalo, ri tshi ḫivha uri ndi “A RALO MAAMBA MURENA.” Arali Mudzimu o zwi fulufhedzisa, Mudzimu u do ima nga pfulufhedziso Yawe. O hula u fhira pfulufhedziso Yawe. O dzulela u vha nga yeneyo ndila. “U ya kona,” vhunga Abrahamu o ri, “u ita hezwo zwe A fulufhedzisa u ita.” U dzulela u kona u zwi ita, u tevhedza Ipfi ḫawe.

¹⁰³ Zwino Yesaya o vha vhudza, a ri, hezwi zwithu zweñothe zve vha vha vha tshi khou ita, vho zwi ita vha si na vhungoho. Vho zwi ita ngauri vhañwe vñothe vho vha vha tshi khou zwi ita. Vho vha vha tshi khou ralo ngauri...vha tshi khou zwi ita-vho ngauri yo vha i ḫodeya ya Yehova. Huno miña yoñothe yo ralo u ita, huno vhomme vha zwi ita, na vhomakhulu vha vhakalahha vha zwi ita. Ndi ngani vha si nga si zwi ite?

¹⁰⁴ Zwino, ri ita zwithu zwi fanaho. “Makhulu wanga wa mukalaha vho vha vha Muphuresibatherieni, ngauralo ndi Muphuresibatherieni. Baba wanga vho vha vha Mubaphuthisi, ngauralo ndi Mubaphuthisi,” na zwiñwe zwinzhi. “Huno baba wanga vho vha vha Mupentekostala, ngauralo ndi Mupentekostala.” A si Hezwo.

¹⁰⁵ Ri da fhethu hune ra limuwa uri ro fhandekana. Ro fhandekana u bva kha Mudzimu. Huno ri da nthā ha Malofha o shuluwaho a Yesu Kristo. Fhasi ha ayo Malofha, ndi hone hune Methodisi, Baphuthisi, Lułere, Phuresibatherieni, Vhapentekostala, vñothe vha kona u ḫangana fhethu hu fanaho. Hu si na ndavha mvelele yavho, vho ralo, kana maitele, vha

nga Ჰangana heneffo fhasi ha tshithi tshithihi tshi fanaho, huno hafho ndi kha Malofha a Yesu Kristo.

¹⁰⁶ U swika tshivhidzo tshi tshi vhuya murahu heneffo fhethu, nahone kule na maitele atsho, huno tsha vhuya murahu kha ndivho ya vhukuma ya Mudzimu, ya uri vhanna vho bebelwa Muvhuson wa Mudzimu nahone hu si u vha murado wa Tshivhidzo. Zwenezwo ndi tshifhinga tshine vhuledzani ha do vhusa lwa tshothe. Huno Muya wa Mudzimu u do tiba lifhasi, “vhunga madi o tiba lwanzhe,” musi zwi tshi da fhethu hune vhanna vha kona u hangwa nga phambano dzavho huno vha da kha vhuledzani fhasi ha Malofha. Ri nga si de rothe fhasi ha mvelele ya Baphuthisi, kana mvelele ya Phuresibatherieni, kana fhasi ha mvelele ya Methodisi, fhasi ha mvelele ya Pentekostała. Fhedzi rothe ri nga Ჰangana nahone ra vha na vhuledzani fhasi ha Malofha a Yesu Kristo, ngauri ndi ndivho ya vhukuma ya Mudzimu. Izwo ndi zwone. Amen. Khoho u hangwelwa.

¹⁰⁷ Mumethodisi a nga lavhelesa kha Mubaphuthisi huno rembulusela Ჰohoho yawe matungo, nahone Mubaphuthisi a nga lavhelesa kha Mupentekostała, huno Mupentekostała murahu kha Mubaphuthisi, kha mvelele yavho. Fhedzi musi vha tshi Ჰangana fhasi ha tshifhambano hune Malofha a Yesu Kristo a Ჰanzwa vhanna vhothe u bva kha tshivhi, u tou vha tshivhumbiwa tthiswa kha Kristo Yesu. Ndi murathu. Hu si na ndavha uri ndi lufhio luswayo lwe a swaiwa ngalwo, ndi murathu. Ngauri hu na luvhande luthihi lune ri nga kona u tangana rothe khalwo. Ndi ndila ya Mudzimu ya u zwi ita. Hezwi zwiwe zwithu ndi mikhviva yo itwaho nga muthu yo pangiwaho kha Hezwi. Fhedzi ndivho ya vhukuma ya Mudzimu ya u hangwela i fhasi ha Malofha a Yesu Kristo. Heyo ndi ndivho ya Mudzimu ya u zwi ita. Ee.

¹⁰⁸ Mvelele nga hayo maduvha, muporofita muhulu o huwelela, huno a ri, “Mvelele yanu a i na maanda. I a nukha phanda Hanga. Ni so ngo vha na lutendo khayo.” Havha vhathe vho vha tshi khou netshedza hezwi zwiṭhavhelo, vha si na na lutendo kha zwe vha vha tshi khou ita.

¹⁰⁹ Zwino kha ri Ჰivhudzise mbudziso. Izwo a si zwi fanaho na zwa Ჰamusi? Naho ri tshi nyala u zwi amba, ri tea u livhana na ngoho huńwe fhethu. Hu na tshinwe tshithu tsho khakheyaho huńwe fhethu.

¹¹⁰ Ndi ngani, hetshi Tshivhidzo tsho vha tsho fanelu vha tshi kha maela dza milioni nt̄ha ndilani, kha hune tsha vha hone zwino. Yesu o lindela kha Tshivhidzo Tshawe uri tshi lugele. “Muselwa Wawe o dilugisa.” Ri na vhuṭanzi. Muya Mukhethwa u fhano. Mudzimu u fhano, maanda a u fhodza vhalwadze, maanda a u ita zwithu zwe K̄risto a ita. Ndo a vhon a tshi vhonadzwa, nne munę, nga Muya Mukhethwa. Ngauralo, vhuṭanzi vhu fhano.

¹¹¹ Zwine Mudzimu a khou lindela kha riñe uri ri bve khazwo, ndi mvelele yashu, huno ri vhuye murahu fhasi ha Malofha a Murwa Wawe, Yesu Kristo, huno ri vhe Tshivhidzo tsha Mudzimu a tshilaho. Methodisi, Baphuthisi, Luñere, Phuresibatherieni, na zwiñwe zwinzhi, “Nnyi na nnyi ane a funa a nga da huno a dzhia mađi a Vhutshilo nga mahala.” Izwo ndi a zwi tenda nga zweþe zwi re kha nne. Riñe . . . Mudzimu o rumela fhasi Muya Mukhethwa uri u ite zwenezwo.

¹¹² Fhedzi riñe, na maitele ashu, hu si na vhungoho, ri khou ya, ndi ngauri ndi—ndi mvelele, na ngauri ndi maitele. Ro ya ri si na vhungoho, ri si na u pfa vhüñgungu ha tshivhi.

¹¹³ Ndo limuwa, vhuñwe vhusiku, kha muñangano muhulu u ñivhaleyaho wa muñwe wa vharathu vhahulu vha takalelwaho ngei California. Huno nda limuwa uri uyo muñangano, musi abvho vhathu vha tshi dzhena, vhana vhatuku vha thangana murole. Ndi a takalela murathu kha u ima hawé huhulu; muñwe na muñwe a nga ralo. Arali na ima, na vhona fhethu he a dzhia maduvhani a u fhedza, ni do ralo-vho. Huno musi ndi tshi vhona avño vhathu vha tshi da kha aleñare, uri vha dzhie tsheo, vhasidzana vha tshi khou shenga tshepisi, vhatukana vha tshi khou rwana, vhathu vha tshi khou sea, heyo a si ndila ya u da nga vhüñgungu ha vhumudzimu. Ni tea u da fhasi ha u kwamea. Mudzimu, ri rumele fesheni ya kale, pentekostaña, mvuseledzo ya Muya Mukhethwa ine ya do ñisa tshivhi mudzini nahone ya ñisa u kwamea kha vhanna na vhasadzi.

¹¹⁴ Hu si uri, “Ndi do ya murahu tshivhidzoni nahone nda vuseledza vhuledzani hanga. Ndi do saina garaña yanga.” Hezwo zweþe two luga, fhedzi ni nga vha murado wa Masons, Vhañwe Vha sa ñivhaleyi, na tshiñwe na tshiñwe, huno na wana mvelele dzi no fana.

¹¹⁵ Fhedzi musi ni tshi da fhasi ha tshipfumelelo tsha u hangwela tsha Mudzimu tsha Malofha a Yesu Kristo, hu tea u vha na vhungoho ho dzulaho ngomu henefho. Mudzimu u ñoda vhungoho.

¹¹⁶ Arali two Mu durela mutengo wo raloho, u ñetshedza Murwa Wawe mubebwa a eþhe, ri khou ya u ponya haní, fhasi ha maitele a u sea, na u da ni vhe murado wa tshivhidzo, na u ita garaña ya tsheo na i isa tshivhidzoni, na tshini na tshini tshi raloho? Heyo a si ñodeya ya Mudzimu. “Uyo ane a tuwa a tshi zwala miñodzini zwi si na na thimathimo u do vhuya hafhu, a tshi pembela, u do vhuya na khulané dla vhudi.” Ri khou ñoda vhathu vha ñisaho khulané.

¹¹⁷ Ndo pfa muevangeli muhulu a tshi amba, tshiñwe tshifhinga musi ndo dzhenelela kha vhuñwe ha vhuragane hawé, a dzhia Bivhili . . . Huno ndi do dzulela u mu funa. O ri, “Khetshi tshikalo hafha. Hezwi ndi zwine Mudzimu a khou ñoda.” A ri, “Ndi do ya doroboni, ndi do vha na mvuseledzo.” A ri, “Ndi do wana vha zwa

fumbili kana vha zwigidi zwa furaru vhane vha dzhia tsheo. Nda vhuya murahu ho no fhela miña kana miñwaha miñanu, kana khañwe miñwaha mivhili,” huno a ri, “A thi wani vha fumiñhanu kana vha fumbili.” A ri, “Paulo Mukhethwa o ya ñoroboni huno a wana mushandukwa. A vhuya nga muñwe ñwaha, a wana vha furaru kana vha fuñu u bva kha onoyo.” Zwenezwo a ri, “Ndi vhareri vha bvafhaho vha dzulaho vho vheya milenzhe yavho kha ñafula huno vha sa ye nnđa u vhona vhathu.”

¹¹⁸ Ndi takalela u divhudza hawe ha u huwelela kha vharathu vhawe, na zwithu n̄tha ha u kwamea hawe. Fhedzi ndi takalela u mu vhudzisa mbudziso, “Ndi ufhio mureri o vhudzaho uña fhalā phasi ha Paulo, musi hu si na zwivhidzo zwa uri a ye khazwo?”

¹¹⁹ Ho vha hu mini? Paulo a tshi khou mu bvisa kha mvelele, kana u saina garaña, a mu isa kha ndovhedzo ya Muya Mukhethwa, zwila musi muya wawe u tshi khou dugela Mudzimu. O tea ñuri a ñanziye nahone a ambe zwithu. Muya wawe wo vha u tshi khou swa nga ñando ya mulilo we Mudzimu a u vheya ngomu afho. Zwine ra toða madekwana a namusi ndi tshiga tsha uri munna kana musadzi o tshidziwa, vha ñavheleseni vha tshi tevhela miñwe mimuya nga tshihadu u ya nga hune vha kona.

¹²⁰ O amba tshiñwe tshifhinga uri vharengisi vha zwinwiwa... Mutukana muñku o dzhena ngomu huno a ri, “Vho. Bartender?”

A ri, “Ee, murwa.”

A ri, “Tshiga tshau tshi phasi.”

¹²¹ A ri, “Zwo luga, ndi a livhuwa, murwa.” Ngauralo a bvela nnđa, huno mutukana muñku a ima na zwanda zwave murahu hawe, huno murengisi wa zwinwiwa a lavhelesa n̄tha. Huno ho vha hu na tshifhañt tshihulu tsa fhethu hu rengiswaho zwinwiwa kha phuleithi khulu ya musinasetha, tshi tshi kunguwedzwa. Huno a bvula apuroni yaye nahone a tshi phumula. A ri, “Murwa, wo khakha. Tshiga tshanga tshi tshe n̄tha.”

¹²² A ri, “Hai, muñe wanga.” A ri, “A tsho ngo ralo.” A ri, “Ndi amba tshau—tshiga tshau tsha khwiñe.”

A ri, “Hetsho ndi tshone tshiga tsha khwiñe tshine nda vha natsho.”

¹²³ A ri, “Oo, hai. Lavhelesa, tsho dzulaho afho.” Ho edela tshidakwa, kha lilañwa. Hetsho tsho vha tshi tshiga tsha khwiñe tshe a vha a natsho, ee, muñe wanga, musi a tshi vhona muthu phasi ha ñuñhuwedzo ya zwe a vha a tshi khou rengisa nga ngomu.

¹²⁴ Huno musi ri tshi vhona muthu phasi ha ñuñhuwedzo ya Muya Mukhethwa, u swika vhatshilo hawe vhu tshi duga nga Mulilo wa fesheni ya kale ya pentekostala, hetsho ndi tshiga tsha khwiñe tshe Mudzimu a vhuya a vha natsho tsha uri hoyo muthu o tshidziwa, musi a tshi shumela. Ndi tshiga tsha khwiñe. Zwino,

izwo zwi do da hani? Hu si nga u vha murado wa tshivhidzo, fhedzi nga u ḥanganedza khangwelo Yawe kha Yesu Kristo, Tshiimeleli tshanu tshi si na mulandu.

¹²⁵ A hu na vhungoho, a hu na vhuṭungu ha vhukuma ha tshivhi. O ri U do dzumba tshifhaṭuwo Tshawe kha maitele avho. Thabelo dzavho dzo vha dzi si na maanda. Vho rabela, oo, ngoho. Vho gonya ntha benefho huno vha ambā dzithabelo dzavho. Vho netshedza zwitvhavhelo zwavho. Zwa vha dzulele.

¹²⁶ Ni a ḫivha, kha Timotheo ya Vhuvhili, ndimana ya 3, kana ndima ya 3 ya Timotheo ya Vhuvhili, ro vhudzwa zwithu zwi fanaho, zwine ra do zwi wana mađuvhani a u fhedza? Bivhili yo amba hafha, “Mađuvhani a u fhedza, ḫivhani hezwi, uri tshifhinga tshi do swika tshine vhanna vha do ḫitongisa, u funi vha zwa ntha, vha funi vha zwi takadzaho u fhira vha funi vha Mudzimu; vha vundi vha mulanga, vhapomoki vha mazwifhi, vha sa ili tshithu, huno vha nyadzi vha avho vha re vha vhuya; vha na tshivhumbeo tsha unga vha o fha Mudzimu, fhedzi maanda one vha tshi a landula: tutshelani kule na vhenevho. Ngauri holwu ndi lushaka lune iwa dzhena nn̄du nga nn̄du, huno vha kumbuludza vhasadzi vho ziamedzwaho zwivhi, vha vhilingwaho nga nyemulo dzo fhambanaho, huno vha dzulaho—vha dzulaho vha tshi guda, huno vha kundelwaho u da kha n̄dīvho ya Ngoho.” Zwino, arali Bivhili yo amba uri awara i do da ine tshivhidzo tsha do dzhena kha mvelele i fanaho ye vha vha vha khayo ngei murahu, nga maitele, khezwi afha hafhu, vhurereli ha mvelele, vhu si na maanda.

¹²⁷ “Oo,” vha ri, “havho vho vha vha makomonisi.” Hai, vho vha vha so ngo ralo.

¹²⁸ “Vha na tshivhumbeo tsha u nga vha ofha Mudzimu.” Vha a ya tshivhidzoni. Vha ya vha mirađo ya tshivhidzo. Vha a lingedza u ita wone—wone musumbedzo mulapfu, wa uri vha khou ya tshivhidzoni na zwiñwe, huno vha bva nahone vha tshila zwo fhambanaho.

¹²⁹ A hu na mulilo tuyani wavho. A hu na tshithu. A vha na ndavha na muñwe muthu. “Muñwe na muñwe a nga fa nahone a ḥuwa arali vha tshi ḥoda u ralo. Ri pfa uri ro tshidziwa. Litshani vhañwe vhothe vha ḥuwe.” Hovho a si Vhukriste ha vhukuma.

¹³⁰ Vhukriste ndi: u tevhela vho xelaho, u wana uyo murathu, tshimbilani ni ite tshiñwe tshithu ngazwo. Naa ri nga ima nahone ra peta zwanda zwashu, naho ri tshi ḫiita uri ro tshidziwa, huno ra vthona vhanna na vhasadzi vha tshi khou fa thungo dzothe? Huno zwitħaraṭa, zwo ḫala vhasadzi vha yaho zwivhidzoni, na zwiambaro zwi pfufhi na—na zwifhaṭuwo zwo poponiwaho, huno—huno vha tshi tsa na u gonya na tshiṭaraṭa, na mafola zwandani zwavho; na—na u dipopona hoṭhe u mona na tshifhaṭuwo tshavho, zwi vhonala sa phunguhwe kana maṭarelo, kana tshiñwe tshithu. Huno vhanna vha tshi tsa na u gonya na

tshiṭaraṭa, vha tshi vha mirađo ya zwivhidzo, na zwithu zwi ngaho izwo. Huno na vhidza izwo Vhukriste, huno na fhumula?

¹³¹ Paulo Mukhethwa o vha a tshi ḍo ita mini arali o tshimbila afha Tucson? Zwino, ndi ri vho vha vha tshi ḍo mu valela khotoni li sa athu u vha matsheloni. Izwo ndi zwone. Nga mini? Muya wawe wo vha u tshi ḍo duga a tshi itela Mudzimu u swika a sa koni u zwi thivhela uri a zwi ite. Ngaho. Fhedzi ri sokou vha murado wa tshivhidzo. Ni a vhona, mvelele yashu i vho nukha kha tshifhaṭuwo tsha Mudzimu.

¹³² Zwine ra ṭoda ḥamusi ndi muporofita a bvelelaho vhuponi a na “A RALO MA AMBA MURENA” huno a kherukanya izwo zwithu u swika phasi huno a amba uri zwi vho nukha. Dzidinomineisheni dzashu dzo aluwa. Zshivhidzo zwashu ndi zwihiulu, nahone zwe naka u fhira zwiła murahu. Ro vha ri tshi ḍo vha ri khwiṇe ri na phosho, o ima ngadeni hafhu, na kaṭara, nn̄da henehfo a tshi lidza dirama, kana tshiñwe tshithu, na Mulilo wa vhukuma wa pentekostała u tshi duga mimuyani yashu, u fhira u dzula džiṭafulanı khuļu dzine ro dzula khadzo ḥamusi, ri tshi khou fa. Shango li khou lovha, phasi ha milenzhe yashu. Ee, muṇe wanga.

¹³³ Mudzimu u na khangwelo, huno khangwelo i ḫa fhedzi nga kha Yesu Kristo; pfunzo, mvelele, zwa dinomineisheni, tshisaintsi, a hu na tshithu na tshithihi tshine tsha ḍo vhuya tsha dzhia vhuimo hazwo. Ndi phasi ha Malofha. Ndi phasi ha mvelele... hu si mvelele, fhedzi phasi ha Malofha a Yesu Kristo, ndila yo bveledzwaho nga Mudzimu u itela vhaitazwivhi, ndila i yoṭhe ine ri nga kona u ḥangana.

¹³⁴ Ndi a ni vhudza, ni dzhia Methodisi, ni dzhie Baphuthisi, na Phuresibatherieni, na Luṭere, na Pentekostała, huno ni litshe muṇwe na muṇwe a de phasi ha ayo Malofha, ndi vharathu. A hu na u ṭaṭa ngavho zwenezwo. Hai, muṇe wanga. Vha tou vha vharathu. Vha vhona tshiñwe na tshiñwe u fana. Fhedzi ni litshe Methodisi i tshi ṭaṭa na Baphuthisi, kha mbekanyo ya ndovhedzo; litshani Vhuthihi vha ṭaṭe na Vhuraru, kana Vhuraru na Vhuthihi, na zwiñwe zwinzhi, lavhelesani u ṭaṭa na mavhudzi a ime. Fhedzi vha litsheni vhoṭhe vha de phasi ha tshifhambano, huno ni lavhelese zwine zwa itea.

[A hu na tshithu kha theiphi—Mudz.]

Huno zwi ḫoralo u swika ndi tshi fa.

Zwenezwo kha lwa vhungoho, luimbo lu difhelelaho,

Ndi ḍo imba haya maanda a u tshidza,

Musi huno u nuñuna lu ḫungufhadzaho, lulimi lu nuñunaho

Lu tshi edela lwe tshete ngomu vhiđani.

¹³⁵ Ndi ḥneya vhuṭanzi, madekwana a ḥamusi, ha uri Malofha a Yesu Kristo a ita Mumethodisi, Mubaphuthisi, Muluṭere,

Muphuresibatherieni, zwenezwo zwine a vha zwone, murathu wanga. Ee, muṇe wanga. Hu na tshiñwe tshithu kha onoyo, ngauri muya wawe ndi—ndi murathu. Ha mu ṭati na—na tshiñwe tshithu-vho. Ndi... Ndi murathu kha Kristo. U ya tenda Ipfi liñwe na liñwe li re kha Bivhili.

¹³⁶ Muya Mukhethwa u ralo hani, We wa ñwala Bivhili, wa I landula? Muya Mukhethwa u nga ralo hani u tshi khou tshila kha muthu, vha ri, “Oo, hezwo zwo vha zwi zwa vhafunziwa, hezwo”?

Yesu o ri, “Nnyi na nnyi aне a funa.”

¹³⁷ Petro o ri, “Pfulufhedziso ndi ya vhoiñwi, na vhana vha vhoiñwi, na avho vha re kule, na vhanzhi vhanze Murena Mudzimu washu a do vhidza.” Muya Mukhethwa wo vha u wa nnyi na nnyi we Mudzimu a vhidza.

¹³⁸ Hafha O ri, “Havho we A vha ta, O dzula o vha ñivha.” O vha ta, huno vho ṭanganedza.

¹³⁹ “A hu na muthu aне a nga da kha Nñe,” Yesu o ri, “nnđani ha musi Khotsi vho mu vhidza. Huno vhothe vhe Khotsi a Nñeya vhone vha do da kha Nñe.”

¹⁴⁰ Naa ri a da kha zwipfi zwo shumiwaho? Naa ri da u vha murađo wa tshivhidzo? Naa ri da ngauri a ri ṭodi u ya heleni? Kana, ri da ngauri ri a funa Mudzimu, we a ralo, “U ñetshedza Murwa Wawe mubebwa a eþhe, uri nnyi na nnyi aне a tenda Khae u tea u vha na Vhutshilo vhu sa fheli”? Naa ri a da ngauri ndi tshithavhelo tsha lufuno tshe Mudzimu a ri neya, uri ri tshi ṭane, u tshi ṭana?

¹⁴¹ Mudzimu u vhenga vhurereli vhu si na maanda. Vhurereli havho a vhuna maanda. Ngauralo U tea u ita mini kha liño duvha? Hu vhenga hone... Tshifhinga tshothé, kha Bivhili, tshe Mudzimu a vhuya a... Nnda, kha heli sia la Bivhili, tshifhinga tshiñwe na tshiñwe tshe ha vhuya ha da mbuyedzedzo kana mvuseledzo, yo khwathisedzwa nga zwiga zwiñulu na maanda. Musi Luther a tshi bvelela, musi Wesley a tshi bvelela, musi vhavhuyedzedzi vhothe, Sankey, Finney, Knox, Calvin, nnyi na nnyi, he vha da hone, ho vha hu na maanda o vhonadzwaho. Hune ha vha na Mudzimu, U tou vha nt̄ha ha mupo. Hune Mudzimu a Ðiñana, hu tea u vha na zwi re nt̄ha ha mupo.

¹⁴² Lavhelesani kha Vhafarisei nga liya ñuvha vhe vha da kha Yesu, huno vha amba nga vhlenda na u khuthala. “Ndi nnyi we a vha o khuthala u fhira tshifhe wa kale? Ndi nnyi we a vha a muhulu u fhira tshifhe wavho? U da kha inwi musi ni tshi bebiwa. Arali hu na vilinga kha mudzulatsini, u ya da nahone a li dzudzanya. Huno u dzulela u vha ramulalo. Ndi munna a funaho. Ni a ñivha uri o ralo. Musi ni khakhathini, ni nga ya khae, u a ni thusa. Mini-ha nga munna wa u lug?”

¹⁴³ Zwenezwo, ri tshi amba nga hoyu Yesu wa Nazareta. “Hoyu tshifhe, ri a divha uri khotsi awe ho vha hu nnyi, khotsi a khotsi awe, khotsi a khotsi awe. Ri na tshikolo hafha tshire tsha mu ṭalusa. Ndi nnyi uyu Yesu wa Nazareta? Ndi tshikolo tshifhio tshe A bva khatsho? Ndi dzangano liphio line A wela khalo? U ita mini fhedzi u dzulela u ṭaṭa? U amba mini nga ula tshifhe wanu wa kale a sa dini? ‘Ndi wa diabolo,’ Yesu o ralo. ‘Ni vha—ni vha... Diabolo ndi khotsi anu, nahone mishumo yawe ni do ita.’ Naa ni nga elekanya?”

¹⁴⁴ A gonya n̄tha thembeleni, a lavhelesa kha vhathu na tsinyuwo, a raha zwiṭhavhelo zwe Yehova a zwi ṭoda, nahone a huwelela, “Zwo ነwaliwa, ‘Nndu ya Khotsi Anga yo itwa nn̄du ya thabelo,’ huno no i ita tshitumba tsha mbava.”

¹⁴⁵ O vha a tshi do ita mini ḥamus arali A da kha zwivhidzo zwashu zwa tshizwino? Hu nga vha na dziñwe ṭafula nnzhi dici sudzuluswaho, hu nga vha na dziñwe desike nnzhi dici thamuwaho, ngauri O vha a tshi do dici padukanya dza vha zwipiqa. Ndi zwone. Zwi nga vha zwithu zwi fanaho. Naa a ni zwi vhoni, Yesu ndi wa Luñwalo nga maand̄a. O vha a Ipfi. Ho ngo tea uri a ነwale tshinwe tshithu. O vha a Ipfi. O vha a Ipfi li tshilaho. Huno vhathu vha kundelwa u zwi limuwa.

¹⁴⁶ Huno muthu a nga ralo hani ḥamus, n̄tha ha milayo ya zwe Yesu a fulufhedzisa: hezwi zwigā kha shango ḥoṭhe; na hedzi phaṭutshedzo kha shango ḥoṭhe; na Muya Mukhethwa u tshi tea u tsa sa zwe wa ita u rangani, kha nnyi na nnyi ane Mudzimu a mu vhidza; muthu a nga divhidza hani Mukriste, huno a landula iļoIpfi, huno a ri Muya Mukhethwa u ngomu hawe? Muya Mukhethwa u do tikeda Ipfi linwe na linwe ḥa Mudzimu nga “amen.” Izwo ndi zwone kokotolo.

¹⁴⁷ Oo, murathu, sisiteme yashu ya zwa dinomineisheni yo ri kokodzela kule khazwo. Huno dzashu—dzidinomineisheni dzashu dzo ri fhandekanya nga tshashu na kha Kristo. Fhedzi, ndi mini? Vha do isa phanda na u ita zwenezwo. Huno ni dzhia tshiimeleli, tshiñwe tshithu-vho, a si fhiri maṭari a muhuyu hafhu. Mudzimu o zwi landula. Fhedzi musi Tshivhidzo tshi tshi da phasi ha Malofha a Yesu Kristo, na luswayo lwa Muya Mukhethwa khavho, zwenezwo ni khou ya u vhona vhushaka ha vharathu hafhu. Ni khou ya u vhona Tshivhidzo tsho dalaho nga maand̄a. Ni khou ya u ralo.

¹⁴⁸ Mudzimu u a vhenga vhurereli vhu si na maanda. Hu tea u vha na maanda. Zwo tou ralo. Ndi maanda a u tshidza muthu u bva kha tshivhi. Ndi maanda ane a kona u ita zwigā na vhuṭolo na madembe sa zwe Yesu Kristo a fulufhedzisa. Vho ima kha Ipfi ḥa Mudzimu murahu ngei nahone vha li tenda, huno vha swikelela tshipikwa. Ni ima nga ndila i fanaho kha Ipfi ḥa Mudzimu; zwi do swikelela tshipikwa hafhu. Zwi tea u ralo, ngauri Ha shanduki mulovha, ḥamus, na lini na lini. Mudzimu ha takaleli vhurereli

vhu si na maanda. Mudzimu izwo ha zwi ṭodi. Mudzimu u khou ṭoda u sumbedza. Mudzimu u khou ṭoda u Disumbedza sa a tshilaho. Fulufhelo ḥashu ndi mvuwo. Naa izwo ndi zwone? Fulufhelo ḥashu la vhutshilo ndi mvuwo, mvuwo ya Yesu Kristo.

¹⁴⁹ Ni a vhona, Mudzimu u khou ṭoda u shuma kha tshivhidzo Tshawe. Yesu o ri, “Ndi do vha na inwi tshifhinga tshoṭhe, u swika na magumoni a shango. Mishumo ine Nda ita ni do itavho.” Yohane Mukhethwa 12:14, “Mishumo ine Nda ita ni do ralo u ita-vho; na minzhi kha heyi ni do ita, ngauri Ndi ya ha Khotsi Anga.” Zwino, tshivhidzo tshi ḥingedza u landula izwo, u ḥutshela—u ḥutshela kule uri ni wane mirađo minzhi, uri ni divheye nga maanda.

¹⁵⁰ Zwino ndi khou ṭoda u ni vhudzisa tshiñwe tshithu. Mudzimu u khou lingedza u sumbedza kha tshivhidzo Tshawe, huno tshivhidzo tshi khou lingedza u sumbedza nga mikhuvha, huno zwivhili zwi nga si shumisane. Ni tea u bvisa mikhuvha, na dzenisa Kristo ngomu. Huno ni nga zwi ita hani? Musi A tshi vhona Malofha, musi Malofha o dodziwa nga mibilu ya vhungoho, huno tshanda tsha vheiwā kha Yesu Kristo, huno mibilu ine ya vha ngoho phanda ha Mudzimu; kha u bula vhukhakhi hawe na u bebwa nga Muya Mukhethwa, zwenezwo mishumo ya Mudzimu i do tevhela, vhunga O amba uri i do ralo. Ee, tshivhidzo tshi khou ṭoda u sumbedza nga kha mikhuvha, huno uri tshi vhone uri tshi nga kona u wana mirađo mingana. Mudzimu u khou ṭoda u sumbedza nga kha maanda a Malofha, uri a wane Vhakriste vha tshi bebiwa hafhu. Heyo ndi yone phambano yazwo.

¹⁵¹ U ita, zwi tea u tou ralo, ni tea u landula. U ita hezwi, vho ralo, ni tea u landula Muya Mukhethwa na maanda Awe a u sumbedza, uri ni ḥanganedze mikhuvha. Ni tea u vhona Ngoho phanda ha musi ni tshi ḥanganedza vhukhakhi, arali ni tshi khou ya u vha Mukriste. Ni nga si ralo... Ni tea u kandekanya pfulufhedziso ya Mudzimu, uri ni wane vhukhakhi. Ngauri, hu na luhpone lutswuku lu taidzaho phanda hanu, tshifhinga tshoṭhe, “*Heļi* ndi Ipfi.”

¹⁵² Ni ri, “Zwo luga hezwo zwo vha zwi zwa liñwe ḫuvha.” Ndi zwa ḥamusi, ngauri Kristo ndi Ipfi. Naa izwo ndi zwone? [Tshivhidzo tshi ri, “Amen.”—Mudz.] Yohane Mukhethwa 1, “U rangani Ipfi o vha a hone, huno Ipfi o vha a na Mudzimu, nahone Ipfi o vha a ene Mudzimu. Huno Ipfi a itwa ḥama huno a dzula vhukati hashu.” Huno Bivhili yo ri, “Ha shanduki mulovha, namusi, na lini na lini.” Ngauralo, arali Kristo a Ipfi, pfulufhedziso iñwe na iñwe ndi ngoho, nahone a i shanduki mulovha, ḥamusi, na lini na lini. Zwi tea u ralo. Zwi dzhia lutendo lwo bebiwaho hafhu u zwi tenda na u zwi ita uri zwi shume. Zwenezwo fhedzi, ni nga si zwi ite nga mvelele. A zwi nga shumi. Ni tea u da kha ayo Malofha, zwi na vhuṭanzi sa tshiñwe na tshiñwe. Murahu ha musi Israele o vhudza... .

¹⁵³ Murahu ha musi Yesaya o vhudza Isiraele uri vho tshikafhadza zwiimeleli zwavho nga mvelele dzavho, ho bvelela muñwe muporofita. (Phanda ha musi ri tshi vala.) Muñwe muporofita muhulu a bvelela vhuponi, huno hoyo o vha a Yohane mulovhedzi. Zwino, o vha sumbedza Ngwana ine ya do ralo u dzhia... a i nga ralo kha Isiraele fhedzi, fhedzi nga lushaka lwothe lwo waho lwa Adamu. O ri ho vha hu... Mudzimu o vha a tshi khou ya u rumela Ngwana. Huno heyi Ngwana i do vha ya Vhannda, Vhayuda, na nnyi na nnyi ane a do da.

¹⁵⁴ A zwe ngo dzhia tshifhinga tshilapfu u swika Ngwana itshi ombelwa kha ajetare Yawe ya tshifhambano. Malofha Awe a shululwa. Muya Mukhethwa wa vhuya murahu. Zwino, musi ngwana ya kale ya phukha i tshi fa, muya wa phukha wo vha u sa koni u vhuya murahu, ngauralo malofha o sokou dodzwa kha lushaka. Fhedzi zwino, kha lushaka lwothe lwa Adamu, Ngwana ya Mudzimu yo shululwa, Malofha Awe, luswayo lwa vhuya murahu kha tshivhumbeo tsha Muya Mukhethwa, uri lu de kha muloshi. Zwino, hezwo ndi zwine Mudzimu a khou tqoda. Hezwo ndi zwe vha ita nga liya duvha. Huno hezwo ndi zwine vha do ralo... zwine vha ita ñamusi.

¹⁵⁵ Zwino, arali muthu muñwe na muñwe a tshi pfa vhuhwalo wa tshivhi, huno na zwi ñivha uri no khakha, thetshelesani, hu na khangwelo, huno iyo khangwelo i da u bva kha Ngwana ya Mudzimu. Naa ni ya tenda izwo? [Tshivhidzo tshi ri, "Amen."—Mudz.] I da nga Ngwana, nga Malofha a Ngwana.

¹⁵⁶ Ndo vhuya nda vhudzwa tshiñwe tshiñori tshiñtuku. Tsha nthusa nga maanda. Ho vha hu na mutukana we a zhondokedzwa maduvhani a u ranga. Ndi a kholwa nothe no dzhia ñivhazwakale ya Bivhili nahone na dzhia ñivhazwakale ya tshivhidzo. Huno kha... Ndi a tenda ho vha hu Foxe... Hai, ho vha hu si izwo. Ho vha hu Vhokhotsi vha Nicaea, kana vhutshilo ha Patrick Mukhethwa. Patrick Mukhethwa o vha a... Helo lo vha li tshi tou vha dzina le a li ñetschedza. Dzina lawe lo vha li Succat. Huno o vha a—o vha o zhondokedzwa nga tshigwada tsha—tsha vhatendeleki vha lwanzhe huno o hirisewa nnnda, uri a vhe mulisi wa nguluvhe.

¹⁵⁷ Huno hetshi tshiñori tsha ya tsha ri hoyu ñwana o zhondokedzwa nahone a hwaliwa nga tshikwekwete, huno o vha a tshi khou shuma ndila yawe. Huno mukaputeni wa kale liñwe duvha a lwala huno o—o vha a tshi tou vha tsini na u fa. Huno o vha a tshi khou lwala, heneffo lwanzheni, uyu wa kale na ndebvu dzawe tshena, o edela kha mushasha wawe. Huno a vhidza zwanda zwawe, vhanna vhawe vha u gidimisa, a ri, "Naa hu na Bivhili vhukati ha vhoiñwi?" A ri, "Musi ndi tshe—ndi ñwana, ndo aluswa nga Vhakriste." Huno a ri, "Ndi, ndi khou fa. Huno—huno, vhanna, a thi tqodi u fa nga u rali." A ri, "Naa ni na Ipfi la Mudzimu? Muñwe muthu afha a na Ipfi la Mudzimu?"

¹⁵⁸ Mafheleloni, murahu-rahu kha tshigwada tsha vhanna, mutukana muṭuku a takuwa, huno a ri, “Muṇe wanga, ndi na Bivhili. Ndi Mukriste. Ndi tshimbila nayo.”

¹⁵⁹ A ri, “Ida hafha, murwa.” A ri, “Naa u ṭoda u amba uri u hwala Bivhili?”

¹⁶⁰ A ri, “Ee.” A ri, “Mme anga na khotsi vho vha vha Vhakriste, huno ndo ḡetshedza vhutshilo hanga kha Kristo musi ndi tshe muṭuku, huno ndo hwala Ipfi Lawe hoṭhe hune nda ya.” A ri, “Ndi Li vheya mbiluni yanga nahone Li ṭwa li henefho mbiluni yanga.”

¹⁶¹ A ri, “Mmbalele tshiñwe tshithu u bva henefho, murwa, phanda ha musi ndi tshi lovha.”

¹⁶² Huno muṭhannga muṭuku a vula kha Yesaya 53:5, “Huno i vhaley nga heyi ndila, ‘O rungelwa u pfuka hashu. O pwashekanyelwa vhutshinyi hashu. Thamu ya mulalo washu i Khae. Huno nga ntho Dzawe ro fhodzwa.’”

¹⁶³ Huno musi a tshi amba hezwo, mukaputeni wa kale a ri, “Naa u nga isa phanda na u vhala?”

Mutukana muṭuku a ri, “Naa ndi nga amba tshiñwe tshithu afha?”

Huno mukaputeni wa kale ari kha mutukana, a ri, “Isa phanda.”

¹⁶⁴ A ri, “Mme anga wa Mukriste, phanda ha musi ndi tshi dzhiiwa khavho, a ri... U ya ḡivha, vho vha vha tshi mmbalela holwo Luñwalo, nga maanda. Huno u ya ḡivha ndila ye vha vha vha tshi lu vhala ngayo?”

¹⁶⁵ Huno mukaputeni wa kale a ri, “Hai, murwa. Ndi do takalela u pfa ndila ye mme au wa Mukriste vha lu vhala ngayo.”

¹⁶⁶ “Vha ri...” A ri, “Kheyi ndila ye vha lu vhala ngayo, ‘O rungelwa u pfuka ha Willie Pruitt. O pwashekanyelwa vhutshinyi ha Willie Pruitt. Thamu ya Willie Pruitt i Khae. Huno nga ntho Dzawe Willie Pruitt o fhodzwa.”

¹⁶⁷ Mukaputeni wa kale a ri, “Izwo ndi a zwi takalela. Izwo ndi a zwi takalela.” A ri, “Oo, arali dzina ḡanga la nga tou vhalwa ngomu henefho!” A ri, “U elekanya uri u nga zwi ita, murwa?”

¹⁶⁸ A ri, “Ndi do zwi lingedza.” A ri, “O rungelwa u pfuka ha John Quartz. O pwashekanyelwa vhutshinyi ha John Quartz. Thamu ya mulalo wa John Quartz i Khae. Huno nga ntho Dzawe John Quartz o fhodzwa.”

¹⁶⁹ Miṭodzi i tshi khou ela kha ndebvu dzawe, a ri, “Disa zwiambaro zwanga. Yesu Kristo o mphodza. Ndi ḡetshedza vhutshilo hanga Khae.” Ni a vhona?

¹⁷⁰ Oo, khonani, arali na nga tou vhala dzina ḡantu ngomu hafho! Oo, arali nda nga tou vhala dzina ḡanga, “O rungelwa u pfuka ha William Branham. O pwashekanywa.” Hu si tshivhidzo,

hu si fhedzi...hu si mikhuvha. “Fhedzi O pwashekanyelwa vhutshinyi hanga. Thamu ya mulalo wanga i Khae. Huno nga ntho Dzawe William Branham o fhodzwa.” Oo, arali ra nga tou vhala madzina ashu kha Luñwalo, huno ri tshi zwi ita zwavhukuma, ndi zwenezwo zwi zwi konaho. U vhala madzina ashu khazwo, zwi disa u ḥanganedza, u hangwelwa, ngauri musi ri tshi limuwa uri O rungelwa u pfuka hashu, O pwashekanyelwa vhutshinyi hashu.

¹⁷¹ Tshiňwe tshithu, ri wana kha Vhahevheru 9:11, uri u hangwelwa zwi bveledza u kuna, muloshi a si tshe na luvalo lwa tshivhi, huno o ḫitanzwa kha mvelele dzo faho. Musi ri tshi da phasi ha Malofha, ro ḥanzwiwa kha mvelele dzi faho. Luñwalo lu ralo, Vhahevheru 9, lavhelesani, “Tanzwani luvalo lwanu kha mvelele dzo faho.” Zwenezwo, arali na ita izwo, hangwani uri ni Mubaphuthisi, hangwani uri ni Mumethodisi, hangwani uri ni Mupentekostała, tshini na tshini tshine na vha tshone, huno ni hangwe hedzo mvelele dzo faho, huno ni de kha Malofha. Idani kha izwo.

¹⁷² Vhalani dzina lanu ngomu afho, huno zwenezwo ni ite hezwi, huno ni de kha ṭafula ya tshilalelo, zwenezwo ni de nahone ni wanuluse uri ndi nnyi a re kha zwone na a re kha vhukhakhi, uri kani tshi khou ya u vha tshilalelo tsho valeaho kana hai, ni vhone arali ni tshi nga valela murathu wanu nga nn̄da. Ni nga si zwi ite. Ni tou vha ni nga si zwi ite. Hu na tshiňwe tshithu ngomu hanu, tshine tshi nga si ni tendele ni tshi zwi ita. Hu tou vha na tshiňwe tshithu, ni a vhona. Dzina lanu li vhalwa vhukati ha vhenevho nahone ni nga si zwi ite. Zwi a ni kunakisa. Zwi a ni ḥanzwa.

¹⁷³ U Mu elelwa musi ri tshi gwadama kha tshifhambano, a nga vha tshifhe wa Katolika, Phuresibatherieni, tshi nga vha tshini na tshini. Litshani hoyu muthu a de a tshi khou vhala dzina ḥawé ngomu henefho, “O rungelwa u pfuka ha *hoyu* tshifhe. O pwashekanyelwa Mumethodisi, hoyu Mubaphuthisi, hoyu Mupentekostała.” Ndi mini? “O rungelwa u pfuka hashu,” dzina langa, dzina lanu, ni nga vha ni nnyi kana nnyi. Zwenezwo kha ri tende Hezwo; hu si zwine mikhuvha ya amba. Zwine Ipfī la amba! Zwenezwo kha ri gwadame phasi kha tshifhambano, rothe. Ri vharathu nga tshashu. Oo, ee, mvelele, ri ḫitanzwa kha mvelele dzothe dzo faho.

¹⁷⁴ Hu nga vha na vhavhusi vha muvhuso vha fuiña, hu nga vha na vhotshifhwe vhahulu vha fuiña, hu nga vha na vhahulwane, na vhabishopo, na mipapa, na zwiňwe zweothe, vha tshi huwelela, “Takuwa afho. Ni so ngo ḫitshikafhadza.” Fhedzi ni kuvhatedza murathu wanu, murathu. Hu na tshiňwe tshithu tsha vhukuma. Ni na khangwelo phasi ha Tshipfumelelo tshi fanaho tshine a khou hangwela ngatsho. Ni vharathu nga tshanu, huno tshi sendela tsini u fhira murathu. Ndi tshiňwe tshithu nga hatsho, tshine tsha ni sendedza tsini na Mudzimu.

Huno musi ni tshi sendela tsini na Mudzimu, ni sendela tsini nga tshañu.

¹⁷⁵ “Ni nga vhenga hani murathu wañu ane na mu vhona, kana u mu nyala, huno na ri ni funa Mudzimu Ane a ni athu u mu vhona? Ni vha muzwifhi, nahone a hu na Ngoho ngomu hañu.”

¹⁷⁶ Fhedzi musi ri tshi swika fhethu, hune Malofha a Yesu Kristo ari ḥanzwa kha tshivhi tshothe, zwenezwo ri vharathu nga tshashu. Zwenezwo a hu na phambano kha riñe. Tswayo dzashu ḥukhu nahone dza kale dze ra dici ḥembeledza kha riñe, a dici ambi tshithu.

¹⁷⁷ Ndi a elelwa heneffho, ndo fhira khoro liñwe ḫuvha nahone ndo vha ndi tshi khou amba nga muñwe wa vharathu vho dzulaho hafha, he nda vha ndi tshi lisa kholomo. Huno ndi tshi khou fhira nga heneffho, mulindi o vha a tshi swaya idzo kholomo musi dici tshi fhira kha matlava. Huno o vha a tshi lavhelesa. Ha vhuyi a . . . Dzo vha dici na tswayo nnzhi khadzo. Fhedzi o vha a sa limuwi luswayo. O vha a tshi lavhelesa thikhithi ya malofha. Huno dzo vha dici tshi tea u ḫala malofha hafha Hereford kana dzo vha dici nga si fhire kha ḫaka la Arapaho, u itela Khonano ya Hereford ya u la heneffho. Dzo vha dici tshi tea u ḫala malofha hafha Hereford.

¹⁷⁸ Ndi elekanya uri zwi ḫo vha nga yeneyo ndila nga tshifhinga tsha vhufhelo. Ha nga ḫo ri, “Naa ni Mumethodisi? Naa no vha ni Mubaphuthisi?”

¹⁷⁹ Heyo ndi mbudziso khulu ḥamusi, “Ni—ni mini? Ni Mumethodisi, Mubaphuthisi?”

Ndi ri, “Hai.”

¹⁸⁰ “Ni mini; Muphuresibatherieni, Mułute, Munazareta, Mupentekostala?”

“Hai.”

“Ni mini?”

“Ndi Mukriste.”

¹⁸¹ Mukriste, thikhithi ya Malofha, ni a vhona, fhasi ha Malofha. Hezwo zwi amba uri murathu muñwe na muñwe, na khaladzi fhasi ha ayo Malofha ndi murathu wanga, khaladzi. Vhungoho ho dzivhafhalaho heneffho phanda ha Kristo. Riñe, tshifhe, mureri, na zwiñwe zwinzhi, ri vheya zwanda zwashu kha tshithavhelo tshashu nahone ra ri, “Ri vhaitazwivhi vha na mulandu. A ro ngo fanelwa nga khathutshelo Yau, O Mudzimu. Fhedzi Wo rumela Murwa Wau uri a fe vhuimoni hashu, nahone ri zwi ḥanganedza nga mahala.” Oo, ri vharathu zwenezwo.

¹⁸² U ḥa ha kale ho fhela. Zwothe zwe fhira. Ro hangwela zwavhukuma. Tshimbilani, no hangwelwa na u ḥanzwa u bva kha tshivhi, no ḥanzwa u bva kha mvelele. Zwithu zwa kale zwe fhira. U ḥa ha kale ho fhela. Vhabaphuthisi

vhoṭhe, Vhamethodisi, na Vhaphuresibatherieni vho ḫanzwa vhoṭhe nga Malofha mathihi, huno ri vha vharathu nga tshashu. U ṭata ha mvelele ho fhela, zwenezwo ri a kona u ḫedzana henefha. Huno afho, fhedzi, ri nga kona u ḫedzana.

¹⁸³ Ndo no vhona Vhaphuresibatherieni vha tshi ima kha hoyu muṭangano wa Vhanna vha Vhubindudzi ha Mafhungo mađifha o Fhelelaho, vha tshi amba nga dzindimi na u huwelela u ya nga hune vha kona, huno vhañwe vha Vhaphuresibatherieni vha vhudi henefho United States. Jim Brown, ndi vhangana vho no ḫanganaho nae, Muphuresibatherieni wa vhudi, o ima henefha a tshina Muyani, nahone a amba nga dzindimi, huno a isa phanda nga u ralo henefha, na mufunzi wa zwiñwe Zwivhidzo zwa Phuresibatherieni zwi ḫivheyaho nga maanda ngei United States. Vhaluṭere, Vhamethodisi, Phures-... vhoṭhe nga tshavho, ndi mini? Vho da fhasi ha Malofha. A hu na dzithikhithi. A hu na zwithivheli zwa dinomineisheni. Ri vhatihi. Ri Vhakriste. Ri na zwithu zwi fanaho. Ee. Hafha hu si kale...

¹⁸⁴ Kha u vala. Ho vha hu na munna na musadzi, munna na mufumakadzi, vho vha vha tshi khou fhandekana. Huno vha lingedza u dzudzanya. Vha ya kha vhashumi vha zwa muhumbulo, u wanulusa arali a tshi nga kona u dzudzanya mihibulo yavho vhoṭhe, fhedzi a kundelwa. Vha ya kha zwothe zwine vha kona u zwi elekanya, uri vha lingedze u dzula vhoṭhe, fhedzi vha sokou ita vilinga, huno uya phanda vha fhandekana. Huno vha kundelwa u kondelana, nahone vha kundelwa u ima huthihi, huno vha ya kha vilinga. Ngauralo, vha dzhia ligia la u ḫalana.

¹⁸⁵ Ngauralo, vha hira ramulayo, uri a vha neye ḫalano. Huno a ri, "Zwo luga, zwino, phanda ha musi ri tshi zwi ita," a ri, "ri do rengisa fhethu." Huno a ri, "Ndi khwiñe ḫoṭhe ni tshi tsela fhasi henefho na khethelana thundu nga tshañu phanda ha musi ni tshi ḫalana huno fhethu ha rengiswa."

¹⁸⁶ Ngauralo, munna na mufumakadzi vha ḫuwa vhoṭhe. Vha ya hayani. Huno vha dzhena nquni ya u dzula, huno a ri, "Ndi khou ya u dzhia *hezwi*."

Huno a ri, "Ndi khou ya u dzhia *hezwi*."

¹⁸⁷ Huno vha ṭata, nahone vha pikisana na u ita nga u ralo, nga tshavho. Ho no fhela tshifhinganyana, vha ri, "Zwo luga, ndi do u neya *hezwi* arali wa nga dzhia *hezwi*." Zwo luga, zwa ralo lwa tshifhinganyana. Huno vha ya lufherani lwa vhaeni na fhethu ho fhambanaho, huno na khishini, na kha lufhera lwa u edela. Vha khethelana thundu dzavho.

¹⁸⁸ Zwenezwo mafheleloni vha elelwa uri ho vha hu na zwiñwe zwithu kha lufhera lwa u vhetshela zwishumiswa. Ngauralo vha gonya ntha kha lufhera lwa zwishumiswa huno vha kokodza tshibogisi tsha kale. Huno vha thoma u bvisa zwithu zwo

fhambanaho, vha tshi ri, "U nga dzhia *hezwi*, huno u nga dzhia *hezwi*." Huno mafheleloni maṭo avho vhothe a lavhelesa kha tshiñwe tshithu tshiṭuku, huno vhothe vha tshi gavha. Huno vha lavhelesana. Ho vha hu mini? Phere ya zwienda zwi tshena zwiṭuku zwe zwa zwi zwa lushie lwo lovhaho. Tsho vha tshi tshipiḍa tshavho vhothe. Heneffo, na zwanda zwavho two farana sa zwenezwo, kha hetshi tshienda tsha lushie. Ngoho, tsho vha tshi tshi wela kha nnyi? Tsho vha tshi tsha nnyi? Tshi wela khavho vhothe. Vho vha vha na tshithu tshi fanaho.

¹⁸⁹ Nga miniti i si gathi, musi muñwe a tshi lavhelesa kha muñwe, miṭodzi ya thoma u ela na marama avho. Ho vha hu mini? Vho vha vha tshi kona u khethelana zwiñwe zwoṭhe, fhedzi musi vha tshi ḍa u swika vha tshi vha na tshiñwe tshithu tshi fanaho, ñwana, huno o vha a ḫadulu, zwenezwo u ḫata ha fhela. Nga miniti i si gathi, vho vha vho no kuvhatedzana. Thalano ya dzudzanye. Mulalo wa vhusa.

¹⁹⁰ Huno, vharathu, i ri ni ndi ni vhudze hezwi madekwana a ñamusi. A ri ni ḫodi ni tshi vha murado wa tshivhidzo. Fhedzi ndi khou ni humbela hezwi. Hu na tshithu tshithihi tshire ra vha natsho tshi fanaho, hetsho ndi Yesu Kristo. Ndi Ene a fanaho kha rine. Ri nga si vhe Vhabaphuthisi roṭhe. Ri nga si vhe Vhamethodisi roṭhe. Ri nga si vhe vha Vhuthihi roṭhe, kana Vhurarū, kana tshini na tshini. Ri nga si ralo. Fhedzi hu na tshithu tshithihi tshire ra vha natsho tshi fanaho, hetsho ndi khangwelo yo ñetshedzwaho ya Mudzimu, Murwa Wawe, Yesu Kristo. Ri na zwithu zwoṭhe Khae. Fhedzi hetsho ndi tshithu tsha u thoma kha rine tshire ra tea u ḫanganedza. Zwenezwo ri nga kona-ha u wana zwiñwe zwithu, musi ri tshi ḫanganedza khangwelo ye Mudzimu a ri ñetshedza. Huno hezwo a zwi nga vhi nga sisiteme ya pfunzo yashu, nga sisiteme ya zwa dinomineisheni, fhedzi zwi ḫo vha nga Malofha a Yesu Kristo. Roṭhe ri a kona u ḫanganana phasi ha tshifhambano, nahone ra vha vhathihi na u vha na zwithu zwi fanaho. Ni a tenda izwo? [Tshivhidzo tshi ri, "Amen."—Mudz.] Kha ri kotamise ḫoho dzashu musi ri tshi rabela.

[Khaladzi u thoma ñeya tsivhudzo. A hu na tshithu kha theipi—Mudz.] Amen.

¹⁹¹ ḫoho dzo kotamiswa, na mbilu dzo kotamiswa zwavhukuma, kha ri kotamise mbilu dzashu lwa miniti zwino, na ḫoho dzashu, ri tshi ri, "Murena, mbilu yanga yo kotamiswa zwino, na zwoṭhe izwo zwa mvelele yanga, naa ndi kha zwone kana ndo khakha?" Tendela Muya Mukhethwa u ḫole mbiluni zwino. Huno arali zwi si ho hune zwa tea u vha hone, huno ni tshi takalela u elelwa thabeloni ya u vala, uri ni a divha uri roṭhe ri nga ḫanganana phasi ha tshithu tshithihi, Malofha, Tshipfumelelo. Huno musi ri tshi ralo, zwenezwo ro ḫanzwiwa kha zwithu zwoṭhe zwa shango. Huno ni ḫo takalela u elelwa kha thabelo, naa ni ḫo ita uri zwi divheye nga u imisela tshanda tshanu kha

Mudzimu? Ni ri, “Nk- . . .” Mudzimu a ni fhaṭutshedze. Oo, nne-nne, zwanda! “Nkhumbule, O Murena.”

¹⁹² Naa ni a limuwa uri a ri na maduvha manzhi a u tshila kha lino lifhasi? Ni ri, “Zwo luga, ndi muṭuku.” Ndi a zwi ḏivha. A thi ḏivhi, khaladzi, murathu, hu do vha na vhana vhanzhi vha thongana ya murole vhane vha do fa madekwana a ɻamusi, u mona na shango, madana avho. Hai, tshithu tshi tshoṭhe tshire na vha natsho ndi mufemo wo salaho kha inwi.

¹⁹³ Naa ni do ralo, nga tshire tshifhinga, ni ri, “Ndo imesela tshanda tshanga n̄tha, Murena Mudzimu, ndi a tanganedza khangwelo ye Iwe wa ḏetshedza, Malofha a Yesu Kristo; zwino litsha Luswayo lu bvaho kha Malofha, Muya Mukhethwa, u de kha nne; a thi athu u tanganedza Muya Mukhethwa; ndi—ndi a zwi ḏivha; huno ndi—ndi khou ṭoda u tanganedza hetsho *Tshithu* tshire tsha nnyita uri ndi pfe nga ndila ine wa khou amba ngayo, uri zwivhi zwanga zwo fhela zwōṭhe, na shango, lufuno lwa shango, lwo fhela kha nne, nahone ndi tshivhumbiwa tshiswa; ndi khou ṭoda u ḏivha zwenezwo mbiluni yanga; huno, Mudzimu, a thi khou imisa tshanda tshanga u itela Mukomana Branham, fhedzi ndi khou tshi imisela Iwe; huno Iwe u ḏivha mbilu yanga”? Huno hu so ngo vha na ane a lavhelesa n̄tha. Itanu tendela Mudzimu a vhone hezwi, a eṭhe. Huno ni ri, “Mudzimu, ndi—ndi—ndi khou ṭoda Luswayo, lwa uri Malofha o shumiswa kha nne. Huno ndi khou lu ṭoda.”

Imisani tshanda tshanu, ni ri, “Nthabelel, Mukomana Branham.” Murena vha ni fhaṭutshedze. Izwo zwo luga.

¹⁹⁴ Hu si na ndavha uri ni nnyi, Mumethodisi, Mubaphuthisi, Muphuresibatherieni, ndi zwa nnyi na nnyi a funaho. Zwino, ndi na . . . a thi khou amba tshithu nga zwiñwe zwivhidzo. Zwo ralo, zwo luga. Fhedzi zwine nda khou lingedza u amba, ndi uri hezwo a zwi nga tshidzi. Ni a vhon?

¹⁹⁵ Hu tea u vha khangwelo ya Mudzimu, tshilidzi tshi hangwelaho. Huno tshi tou sumbedzwa fhedzi, hu si nga tshivhidzo, fhedzi nga Malofha a Yesu Kristo. Hetsho ndi Tshiimeleli tshanu, musi ni tshi kona u vheya zwanda zwanu Khae na ri, “ZWino ndi a tanganedza hetsho tshiimeleli. Mudzimu, ivha na khathutshelo kha nne.”

¹⁹⁶ Huno khañwe hu nga vha hu na mirado ya tshivhidzo hafha, vhe vha dibađekanya na tshivhidzo, nga vhungoho hoṭhe ha vhudi. Izwo ndi a zwi tenda, nga mbilu yanga yoṭhe, no dibađekanya nga vhungoho. Fhedzi, ni ri, “Mukomana Branham, ngoho, mbilu yanga a i athu u tanzwiwa kha hedzi mvelele dzoṭhe na zwiñwe. Ndi—ndi a tenda uri arali muñwe muthu a nga amba a tshi lwa na tshivhidzo tshithihi tshire nda. . . Arali Bivhili ya nga ralo, mmbudzeni, ndi do ṭolwa nga Bivhili uri tshivhidzo tshanga tsho khakha, ndi—ndi nga si vhuye nda zwi tanganedza u bva mbiluni yanga. Ndi nga si zwi ite, fhedzi ndi

khou Ქoda u ralo. Nthabelelei.” Naa ni Ქo ralo u imisa tshanda tshanu, na ri, “Rabela?” “Ndi Ქo zwi ita. Ee, ndi nga ralo.” Mudzimu a ni fhatutshedze. Hezwo ndi zwa vhudi. Hezwo two luga. “Ndi—ndi khou Ქoda u kona u Ქanganedza zwe the zwo Mudzimu a amba, nga ndila ye A zwi ita kha Bivhili Yawe. Huno ndi khou Ქoda Malofha a Yesu Kristo a tshi da kha nne.”

¹⁹⁷ Huno arali Malofha o dodzwa, luswayo! Ni a vhona, hu na luswayo lwo netshedzwaho lwa Malofha, huno ulwo ndi Muya Mukhethwa. Huno musi Muya Mukhethwa u tshi tsela fhasi, nga Duyha la Pentekoste, ni a divha zwe Wa ita kha vhathu. Huno tshifhinga tshothe tshine Wā Ქo vhuya wa da kha vhathu, U Ქo ita zwithu zwithihi. Petro o ri, “Ngauri heyi pfulufhedziso ndi ya vhoinwi, na vhana vha vhoinwi, na kha avho vha tsha di da, na vhanzhi vhane Murena Mudzimu washu a Ქo vha vhidza,” heyi pfulufhedziso i fanaho.

¹⁹⁸ Arali sente dza fumi hu sente dza fumi *hafha*, ndi sente dza fumi nn̄da *hafho*. Dzo ralo, hothe hune dza vha hone, ndi sente dza fumi. Arali ino i daimane ngomu *hafha*, ndi daimane ngomu *hafho*. Arali ino i nn̄du *hafha*, ndi nn̄du *hafho*.

¹⁹⁹ Huno arali uno u Muya Mukhethwa we wa tsa nga Duyha la Pentekoste, ndi Muya Mukhethwa muthihi namusi. Huno a ni athu u wana itsho tshenzhemo? Tshi Ქanganedzeni zwino musi ri tshi rabela, naa ni Ქo ralo?

²⁰⁰ Khotsi ashu wa Tađulu, ri tshi divha uri—uri duvha li khou kovhela, u swika hune a li tsha Ქo vha hone, linwe duvha Muruňwa muhulu u Ქo bveléla vhuponi ha tshifhinga, u bva ngei ha Lini na lini. Huno phalaphala ya Mudzimu i Ქo lila, huno munna muňwe na muňwe na musadzi u Ქo fhindulela zwine ra zwi divha sa Ngoho, Ipfi la Mudzimu. Hu tea u vha na tshiňwe tshikalo tshine Mudzimu a tea u vha natsho fhano kha lifhasi, tshine ta tea u haťulwa ngatsho. Huno arali ra dzhia tshikalo tsha tshivhidzo thashu, dinomineisheni yashu, naa ri Ქo kundelwa u swika ngafhi ngazwo! Huno ndi ifhio dinomineisheni ine ya Ქo vha i kha zwone? Ngauralo, ri Ქo dadiswa. A ri nga divhi uri ri ite mini. Fhedzi hu na tshikalo, huno tshentsho ndi Ipfi Lau.

²⁰¹ Huno Ipfi Lau lo ri, “Nndani ha musi muthu o bebwa hafhu, a nga si vhuye a vhona Muvhuso wa Mudzimu.” Nga maňwe maipfi, a nga si u pfesese. U tea u zwi Ქanganedza nga lutendo, huno a bebwa hafhu, huno zwenezwo u Ქo u pfesesa. U vhona ndi u “pfesesa.”

²⁰² Huno ri a rabela, Mudzimu, madekwana a namusi, uri vhunzhi ha izwo zwanda zwi yaho n̄ha madekwana a namusi, hothe u mona na tshifha, vhoramabindu vha dorobo, na vhasadzi, vhatukana, na vhasidzana, ndi a tenda nga vhungoho uri vho imisa zwanda zwavho. Zwino, vho vha vha nga si imise zwanda zwavho nga nn̄da ha musi ho vha na u kwameya. Huno Muya Mukhethwa, ngavho, wo vha sumbedza uri vho khakha,

huno wa disa u kwameya uri vha ḥoda u luga. Huno vho imisela zwanda zwavho kha Iwe, Musiki muhulu, vha tshi ḥivha uri vha tea u ḥangana na Iwe liṅwe ḫuvha. Huno vho vha vha na vhungoho, ndi a tenda, Murena, huno ndi khou rabelela muṅwe na muṅwe. Ndi fulufhela, madekwana a ḥamusi, Murena, musi ndi tshi rabela, uri na tshanda na tshithihi zwatsho tsho gonyelaho n̄tha a tshi nga vhuyi tsha kona u awela u swika Muya Mukhethwa wo ḫadza vhutshilo havho. Zwi tendele, Murena. Ndi vha vhila u itela zwiphuga zwa Yesu Kristo. Zwi ite, Murena, ndi a rabela. Tshidza vho xelaho.

²⁰³ Dadza avho vho ḥanganedzaho Kristo, nga Muya Mukhethwa. U shele kha mimuya yavho, Khotsi. Diwanele vhugala.

²⁰⁴ Yesu, Wo ri kha riñe, “A hu na muthu ane a nga da kha Nñe nga nnda ha musi Khotsi Anga vho ranga u mu kokodza,” huno, “Lutendo lu da nga u pfa, huno u pfa Ipfi ḥa Mudzimu.” Huno zwino, Ipfi ḥa Mudzimu li tshi reriva, lutendo lu da nga u pfa. Huno vho kokodziwa, ngauri Bivhili yo ri, “Havho vhe A dzula o vha ḥivha, O vha ta. Huno havho vhe A vha ta, O vha vhidza. Huno havho vhe A vha vhidza, O vha ḥeya Vhutshilo ha Lini na lini.”

²⁰⁵ Huno zwino, murahu u rangani, musi shango li sa athu u vha hone, Wo vheya madzina avho kha Bugu ya Ngwana ya Vhutshilo. Huno madekwana a ḥamusi Muya Mukhethwa wo vhidza. Huno vha imisa zwanda zwavho. Zwino, Murena, vha neye Vhutshilo ha Lini na lini. Ndi zwi humbela u itela vhugala ha Mudzimu, uri Muya Mukhethwa u tsele fhasi dzimbiluni dzavho huno u vha rubies kha mishumo yo faho na mvelele, huno u vha ḥeya khangwelo ya mahala. Huno u vha ḫadze nga Vhuhone Hawe, uri vha ḥuwe u bva ḥino ḫuvha, kha awara ya swiswi, vhunga zwo ralo mađuvhani a Sodoma musi vhasadzi vha zwifhaṭuwo zwo poponiwaho, vhutshilo vhuvhi vhu tshi dzinginyisa dzitshaka.

²⁰⁶ O Murena Mudzimu, ngavhe vhanna na vhasadzi vha tshi ḥuwa vha tsevhela dici dugaho. Ngavhe Muya Mukhethwa u tshi ruma Mulilo mukhethwa zwavhukuma khavho, Murena, u swika vha tshi dadzwa nga vhulenda ha Mudzimu, nahone—nahone uri vha tshimbile, u vhidzelela muitazwivhi muṅwe na muṅwe vhane vha ḥangana nae, uri a de kha tshifhambano. Zwi tendele, Murena, heneffo hune navho vha nga wa nahone vha wana khangwelo. Ita izwo kha Methodisi, Baphuthisi, Phuresibatherieni, Pentekostała, na vhoṭhe, Murena. Zwi tendele. Ndi Vhau zwino. Ndi vha kumedza zwandani Zwau, uri U tendele hezwi khavho. Nga Dzina ḥa Yesu Kristo. Amen.

²⁰⁷ Ni a Mu funa? [Tshivhidzo tshi ri, “Amen.”—Mudz.] Ndi.... Hezwi zwi nga vha zwi nnda ha maitele. Lwa tshikhalañanya. Kha ri imbe holwu luimbo ḥwa kale. Ndi—ndi a funa u imba. Ni

a divha, lwone . . . Zwiñwe zwifhinga, kha u rera, ni amba zwithu zwine zwa tumula, fhedzi heneffo—heneffo hu na mushonga Gileada, kani a uho, une wa fhodza maya? [“Amen.”]

²⁰⁸ Kha ri imbe holwu zwa vhudi, luimbo lwa kale, arali ni tshi do ralo. “Ndi a Mu funa, ndi a Mu funa ngauri O ranga u mpfuna.” Ulwu luimbo ni a lu divha? [“Amen.”] Munwe muthu zwino kha lu sime u itela nne.

Ndi a Mu funa, ndi a Mu funa
Ngauri O ranga u mpfuna
Huno a badela u tshidzwa hanga
Kha muri wa Khalivari.

²⁰⁹ Kha ri lu ñuñune. [Mukomana Branham u thoma u ñuñuna *Ndi A Mu Funa*—Mudz.] Zwino, musi ni tshi khou ñuñuna *Ndi A Mu Funa*. Hu na Vhabaphuthisi vhangana afha? Imisani tshanda tshanu. Vhaphuresibatherieni, Vhaluñtere, Vhanazareta, Vhatsinda Vhakhethwa, Vhapentekostaña? Heneffo, nne-nne, vhathuni! Vhoþe vho tangana . . . [Mukomana Branham u isa phanda na u ñuñuna *Ndi A Mu Funa*.] Ro ita mini zwino musi ro da fhasi ha tshifhambano, fhasi ha tshilidzi tshi hangwelaho? Roþe ro hangwelwa, hu si nga tshivhidzo tshashu, fhedzi nga Khalivari.

²¹⁰ Kha ri khaðane na Vhamethodisi, Vhabaphuthisi, na Vhapentekostaña, zwino, musi ri tshi imba hafhu. “Ndi . . .” [Mukomana Branham u khaðana na havho vha re tsini nae—Mudz.]

Ngauri O ranga u mpfuna
Huno a badela u tshidzwa hanga
Kha Khalivari . . .

²¹¹ Zwino, ri lu imba uri muñwe na muñwe a lu pfe. Zwino kha ri kotamise þohø dzashu nahone ri imisele zwanda zwashu zweþhe kha Mudzimu. Huno nga mbilu dzashu dzoþhe, arali ri tshi Mu funa, kha ri ambe nga u ralo zwino.

Ndi a Mu funa, (O Mudzimu!), ndi a Mu funa
Ngauri . . .



KHANGWELO TSV63-1028
(Pardon)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Musumbuluwo, Tshimedzi 28, 1963, u itela tshimima tsha Vhuṭama ha Vhanna vha Vhubindudzi vha Mafhungo-maqifha O Fhelelaho Vhadzitshaka ngei Ramada Inn kha ḥa Tucson, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org